


閻潛邱先生年譜(二)
黃崑圃先生年譜







閻潛邱先生年譜

(二)

張 穆 編

編主五雲王

編初成集書叢

種一他其及譜年生先邱潛閣

冊 二

中華民國二十六年十二月初版

發行人

王

長沙南正路

雲

五

印刷所

商

長沙南正路

務

印書館

發行所

商

各埠

務

印書館

閻潛邱先生年譜卷四

三十九年庚辰六十五歲。

題老蘇集。越明年庚辰首春。戴唐器書來。憶東坡得鍾山泉公書。寄詩爲謝云。寶公骨冷喚不聞。卻有老泉來喚人。果老蘇號老泉。坡敢於僧泉公者。稱曰老泉乎。真解頤新語。惜不令焦文端聞之也。因學紀聞箋。壬子夏。讀唐司業李元瓘上言。明經所習。務在出身。咸以禮記文少。人皆競讀。禮記在唐。試士爲大經。何以文反少。曾徧問之人。不得質諸書末由。畜疑義者。三十九載。今八月朔晨起。讀唐書選舉志云。禮記。春秋左氏傳爲大經。詩。周禮。儀禮爲中經。易。尚書。春秋公羊傳。穀梁傳爲小經。通二經者。大經小經各一。若中經二。通三經者。大經中經小經各一。通五經者。大經皆通。餘經各一。不覺洞然曰。唐制通五經。固讀大經。卽凡通二經三經。亦必讀一大經。禮記大經。僅九萬餘字。左氏傳一十九萬餘字。誰肯舍九萬餘字之經。而習十九萬餘字者乎。參以同時楊瑀奏。今之明經習左氏者。十無二三。正合所謂禮記文少者。特較少於左氏傳耳。爲之快絕。

劄記。有兩宿寤硯齋五言律詩二首。寤硯齋集。庚辰年有潛邱先生見過。留宿寤硯齋詩。潛邱詩次章首二句曰。四

十強而仕如君不仕奇案唐器題劉蓄蓄小照
曰甲寅歲余年十六則是年年四十有二也

有重五日陪閣學張公泛舟蕭家湖因易名曰學士湖即同用李白句作起古詩寤硯齋集庚辰年

有和學士湖詩亦用太白句作起割記又有題張閣學樸園圖卷稱曰滄陽公案清祕述聞江南學院張榕端字子大河南
磁州人康熙丙辰進士三十六年以禮部侍郎任淮山肄雅作內閣學士與割記合蕭家

湖淮安志不載穆詢之韋竹坪機部云在淮郡城外西北約里許又韓文懿有懷堂集有樸園詩八首序曰滄陽先生示余樸園圖且
自為記蓋經始自乃祖司馬公以來所謂基之鑿之而先生乃架之位置曲折俱經俗乃酷盡樸之趣云云案此即潛邱所題樸園圖

也卷

有贈張石虹太史五首石虹名希良黃安
人康熙乙丑進士末章云他年撰年譜記取在庚辰又雨中簡石虹太史五首末

章云且喫此閒飯細和河復詩自注東坡聞黃河復故流亦在庚辰歲河復詩則熙甯十年徐州作也

案清祕述聞石虹屢持文枋康熙三十六年以鴻臚寺少卿任浙江學政至四十二年文志鯨始接任然則此十詩皆先生客杭州時
所作故有越病感於今之句又云蒲觴邀共泛又云五月倏如秋推知客杭在此年之夏也五贈起二句云地老天荒日虞翻得一人

雨中重簡結句云自言讀疏證三復不能休
其結契之篤如此可謂生平第一知己矣

寤硯齋集庚辰年又有閻大復申召同毛十姬瑣飲依綠園觀荷用蘇子美韻姬瑣名遠宗西河嗣
子也康熙庚午舉人

八月。門人邱回爲刻釋地續。

宋牧仲序云。刻是編者。故人子邱回。邇求年少好學。從百詩游。講求經義。庚辰秋八月。調科掌錄。山陽邱回。邇求。侍講曙戒先生之子。署江蘇巡撫滿洲公所。年近七十。試卷塗抹過

多。爲考官所糾。置劣等。歸以詩自娛。有才子曰謹。曰柱。柱已未庶常。刻其詠物詩數十篇。割記題邱珠巖吟卷詩。其二起句曰。從兄年長七腹。富便便。自注。謂邇求。又其一下注。新更名曰兆元。請余字之。字曰期。一案。淮安志文苑傳。珠巖名起兆。

四十年辛巳。六十六歲。

割記。跋春郊送別圖。商志先生示我以春郊送別圖卷。不獨新城司寇詩爲擅場。

案漁洋以三十七年。升刑部尙書。

抑且

可謂人人握靈蛇之珠。抱荆之山玉矣。豈選而後作。或文生於情。自遠勝一切酬應塗雅者邪。爲喜而弁數語於首。太原潛邱弟閻某。距癸酉二月。已九易春秋矣。

有祝王搗齋淮揚副使四首。

淮安志。分巡淮揚海道王謙。康熙三十九年任。案謙。永平人。丁未進士。第一章結云。見說生申。是陽月。梅花待雪。綻階除。自注。大雪前一日。第四章領句云。鳳紀龍飛四十載。河平應許在斯

年。有贈趙漁玉兼簡范用賓二首。題趙漁玉暫游萬里艸一首。送趙漁玉還錢塘二首。晨起送漁玉不

及一首。

漁玉名未該。杭州府志引武林耆舊續集。趙榿字博也。號蘿邨。諸暨布衣。有蘿邨集。集中云。余少孤。無所倚樓。來杭。貧乏。自守。蓋三十餘年矣。案潛邱贈詩有云。淚漬和丸。重心懸著線。溫終期。邇佛日長。護北堂。賞與蘿邨少孤之指合。漁玉或

即榿之別字也。送漁玉還錢塘詩結句。見說春風動。王梓一月天。自注。將陪查太史北上。此查太史。蓋謂查浦。非初白及荊州聲山也。知者。初白於壬午十月。由其子克建。束鹿署中。應召入京。次年乃成進士。授館。越一年。而潛秋卒矣。荊州與聲山。戊辰同榜。而荊州

館選後，供聲京師，未嘗南歸。考敬業堂集可見。聲山據其外孫沈廷芳所作行狀。成進士選庶吉士，念二親春秋高，請假歸養。旋丁外內憂，服除，除編脩。是當有由籍北上之事。然初白酒人集題詞云：甲戌偕臘抵都，偕家聲山儼居宣武門外云云。則與潛邱春風王程之語不合。惟查浦以庚辰館選假歸，初白偷存集辛巳春有哭德尹子阿願詩云：爺歸端爲汝求師，自注：德尹今春請假，將挈家北上，而繙經集辛巳十二月十六日雪，同德尹作，歲杪又有示德尹詩，時尚在錢塘也。次年壬午春夏，遂無與德尹唱酬之作。而初白亦由錢唐赴東鹿署，復由東鹿至京。卷末有重陽日一畝園同德尹登高詩，起句云：一笑相從亦偶然，勞生誰料再游燕。據知查浦已於春間北上矣。潛邱贈送漁玉諸作，不必一時，以陪查浦北上。是壬午年事。送還錢唐，當在辛巳之冬。故類聚之魏昭士有趙漁玉詩序云：漁玉詩云：大哉南雷學，問業爭至止，余亦私淑之。竊聞其大指，趙子錢唐彥，一葦渡甚邇，先我列門牆，親炙爲載矣。云云。是漁玉亦梨洲再傳弟子也。初白勸酬集有和趙漁玉范用賓落葉詩五首，辛未立冬後事也。查浦名嗣琛，字德尹，荊州名嗣韓，聲山名昇。是年孫學翼歲入淮安學。淮安肆雅錄：張宗師泰交，山西人，壬戌進士，太僕寺少卿。首題有衆逐虎，次題一不言朝廷利害，邊報差除論。

四十一年壬午，六十七歲。

是年先生游杭州，西河集寄堂客問。康熙四十一年，客集於杭州寄堂。時宛平金素公、淮安閻潛邱、仁和沈昭嗣、新安倪魯玉俱在坐。素公名德純，照代叢書。素公旗軍志，署款稱遠左，疏證卷六上，引素公語，据恕谷年譜。則庚辰辛巳間，素公尙在京師也。昭嗣名佳，篤志伊洛之學，所居名學士園。康熙戊辰進士，安化

縣知縣，魯玉名璠，普注廋子山集。康熙乙酉舉人，官內閣中書。

客有舉顧甯人日知錄爲言者。潛邱謂錄中說中庸期之喪，達乎大夫義最

明。因以爲問。次日。又集寄堂。踰日。又集錢湖丹井山房。時蘇州顧俠君。嘉興曹希文。仁和馮文子皆在座。

寤硯齋集。潛邱先生自武林歸。問余楚州風俗。與三吳兩浙有不同者。凡幾。余曰。南北異宜。奢儉異尚。是焉得盡同。惟淮俗之不可解者有二。一拜壽。有十齡卽開筵演劇。降伯氏舅氏之尊。而僞僂罄折其庭者。一守七。四十九日內。每日治酒張樂待客。守七呼盧謾笑。彼此爭尙。往往破家。先生爲吾黨山斗。一言九鼎。當有以喚羣蒙。挽頽波。不宜默默已也。先生曰。然。盍卽子之言。序次之。以告吾之常往來者。知有所守也。案潛邱屢客杭州。此自武林歸。不知定在何年。

十一月有賦謝王淮揚觀察十韻。

詩云。仲冬日建寅。忽傳歌鹿鳴。老職臥牀蓐。亦往聽韶韻。濟濟何所爲。錢送入上京。案。攜齋以三十九年蒞淮揚任。至此年壬午。始值鄉試。故知餞送舉子入京之舉。必在此年。又

云。恭惟王夫子。兩主斯文衡者。攜齋於康熙二十九年庚午。以戶部員外郎。副張石虹。兼試浙江。三十一年。授江西提學道也。又詩云。余時獨惆悵。兒輩久啓行者。復申於庚辰歲服闋後。早已補官北上也。

四十二年癸未。六十八歲。

劄記。宋中丞攀七十壽序有云。公蒞任至今十有一年。又云。茲當七十初度。特偕邱子回渡江往祝。因

撰此序以進。

漫堂年譜康熙四十二年癸未余七十歲。

是年胡朏明詣行在獻平成頌及所著禹貢錐指御書耆年篤學四大字賜之。

案潛邱垂老諄諄以求御書爲言蓋有感于朏明之事。

李恕谷年譜癸未毛河右有書來曰今朏明又在吳門刻禹貢仍與閻百詩合夥大暢發古文尙書之謬以禾中朱錫鬯家多書欲就其家搜朱文公趙孟頫吳艸廬輩至明末本朝攻古文者合刻一集以與我罷詞相抵其後朏明不與事而百詩約錫鬯攜明萬歷丁丑會試第三場焦竑廢古文策來幸余先期知其事赴其寓同觀焦竑襲吳澄誤說而又誤者余因於衆中大擲揄之百詩狼倉散去錫鬯亦大窘而退。

案西河輕薄之口更不足辨引此以著潛邱行蹤耳又案恕谷普集其交游手札爲友善帖凡四巨册丁未正月苗先路同年攜二册來見示西河手札凡二十餘通俱黏第二册中此札蓋已經馮辰輝鶴生輩刪其太甚茲補錄之書

首今朏明下有到底宵人行徑六字寃詞相抵下有不必置可否而是非定矣其意雖拙而實精以世人肉眼明知金谿論太極勝於新安然孰有能祖金谿者此書出則寃詞自高閣也五十一字赴其寓同觀下有天網恢恢四字大窘而退下又云百詩錫鬯胸腹甚陋惟朏明稍有記憶與吾鄉吳慶百同而識見未闕究難彙進譬之佛家一支半解不成大究竟也然則西河本領只是忍於毒詈如醉人使酒人不與校卽自命爲無敵矣友善帖後二册聞尙有潛邱手札惜未之見吳慶百名農祥錢唐諸生

劄記

胡朏明禹貢錐指謂嶺南虞舜聲跡所不及余曾面質正云云朏明不覺嘆曰吾書刊矣不及追改奈何。

寤硯齋詩。己亥冬日。萬九沙過寤硯齋。出蘭窗先蹟命題。因憶癸未夏五。閩徵君以鹿園公手札屬余爲贈。今方得致成命。詩有云。示余遠祖蘭窗卷。題詠俱是名人詞。失去百年不可得。芋町購之忽來歸。余告九沙勿慢喜。更有墨蹟以相貽。昔年潛邱曾屬付。都督墨蹟余敢私。俟君過此代爲贈。卽今已是十七期云云。

案鹿園公九沙高祖也。全謝山九沙神道碑。公先世鳳陽府定遠縣人。明初從龍功臣斌之後。斌子鍾。以世襲始爲寧波衛人。鍾子武。武弟文。相繼襲指揮。死王事。又四世而爲中府都督同知淮安總兵表。以儒將私淑新建之學。世

所稱鹿園先生也。又二世而爲左府都督僉事福建總兵邦孚。是爲公曾祖。生戶部主事泰。始喪其世職。爲寧波府鄞縣人。戶部八子並有名。公爲充宗先生斯大子。

行述。去年春。

案墓志云。歲在癸未。天子南幸過山陽。

皇上巡河。至淮安城西門。今內閣學士李惺庵先生。

李惺字公凱。又字惺庵。山陽人。順治辛丑進士。己未。

召試授編修。劄記有贈李公鑑明府詩。

以通政使隨駕。上遣問此中有學問人乎。學士以府君對。巡撫副都御史宋公亦在側。

云長於考據。最爲精核。隨傳旨召見。以御舟行速不果。其時皇四子貝勒殿下知府君。則邀相見。見則語極歡。曰吾知東南讀書種子。僅存三人。朱檢討。胡太學。及先生耳。朱胡謂竹垞。臞明兩先生也。四月。府君命不孝詠。恭呈萬壽詩八首。案卽劄記恭呈御覽詩。四書釋地一帙。於暢春園。蒙恩見收。五月中旬。上遣問勵。

編修令式。

勳廷儀字令式號南湖靜海勳文恪公之子康熙庚辰翰林官至吏部尚書諡文恭

語因及府君云閻若璩學問甚優與徐嘉炎同不孝聞之。

感激涕零馳書報府君。府君因屬不孝曰。皇上天章雲爛。草野布衣。皆得望見。汝且勿歸。爲我老臣求之。我身若健。或當親來。未可知。九月。大駕自口外回京。不孝至石匣口山邊。跪迎河干。恭懇御書。上親問不孝父子姓名履歷。行數十步。澗水湍急。龍舟飛渡。不獲再奏。十一月。殿下乃召不孝詠。以手書諭府君曰。聞先生志求御書。盍不自來館我齋中。皇上萬幾之暇。我得乘閒代先生請。諭到。正值小恙。捧讀之頃。霍然起。語不孝訓愨。議略及諸孫曰。吾續學窮年。未獲一遇。春閒天子召見。吾復未及。今賢王下招。古今曠典。乃斯文之幸也。其可勿赴。

四十三年甲申六十九歲。

李恕谷年譜。甲申二月。知閻百詩至京。病往視之。語以老當自重。

墓志明年。

承上癸未言

皇四子以書幣禮致之。先生力疾赴。至都中。則相待厚甚。踰於賓友。悉索所著書。自

二種尙書外。四書釋地。至於三續。手校困學紀聞。古文百篇。凡八種。首付紀聞。劄氏。餘將次第爲表章。

而先生不起矣。

不是齋筆記。潛研堂集同。

道古堂集。晚年名動九重。世宗在潛邸。手書延請。復至京師。呼先生而不名。身雖不顯。而道則亨也。

行述。正月登車。一月抵都。寓學士先生家。以行役之勞。體小憊。不孝詠延同年李御史牧癡診視。李名紳延

津人戊辰進士。旋愈。學士垂髻交好。聚首甚歡。曰。我蓄疑多端。非兄不能爲我析也。三月二十七日進府。殿下

止。府君跪拜迎送。執手賜坐。日索觀所著書。每進一書。未嘗不稱善。凡飲食藥餌衣服。及几研陳設諸物。罔不經心目。極其精腆。命太醫院林大文先生朝夕視。且曰。吾受益先生日正長。勿亟論著。夫皇子之貴。人閒仰之如天上。或求一望顏色而不得。或思以其技徹左右而逡巡不敢。府君以疏遠之人。情浹意孚。開口吐奇。王之禮賢下士高誼。驅策千古。固不待言。而府君臨老遭逢梁園西邸之下。又豈偶然者哉。府君北上時。不孝訓慤扶侍。四月下旬。命訓慤還曰。余身已復初。汝勿慮。又一月。忽謂不孝詠曰。吾眠食雖如常。恐不能久。奈何。不孝驚泣諫曰。大人疾由讀書。讀書則忘疾。讀久未有不疾者。掩卷則憂疾。憂疾亦未有不疾者。今兩月坐不讀書。遂輾轉疑至此乎。詎意二十六日。忽下泄。神氣頓委。謂不孝。吾夜所夢之書。皆非素見何邪。六月初四日。友人來候榻前。談三禮義疏高下。問常熟馮定遠先生稱讀爾雅則六經學皆通。其說何如。猶齶齶不輟。臥而復起者再。五日早。乃謂不孝曰。此地非易簣

所也。吾病殆不能起。殿下比以世子抱恙。憂心忡忡。而慰我日再至。老人心甚不安。汝可泣求移館。勿延旦暮矣。六日晨起。頓首辭。殿下固留不可。則命以大牀爲輿。上施青紗帳。二十人舉之。移城外十五里。如臥牀。不覺其行也。言笑自若。抵館舍日。晡時私謂侍僮曰。吾三日內逝矣。不孝聞之。跪泣失聲。府君曰。夫人有生必有死。何足悲。但此來御書未得。賢王崇禮未得報稱。汝當謹銜吾訓。服任遂功。并歸語諸子若孫。皆志吾志。七日泄瀉不止。執不孝手命曰。吾一生著書九種。已刻者四書釋地。四書釋地續。孟子生卒年月考。未刻者。重校困學紀聞。四書釋地。又續朱子尚書古文疑。眷西堂古文百篇。未成者。尚書古文疏證。釋地餘論。今紀聞蒙殿下序而行之。可以不朽。

謹案憲廟所作困學紀聞箋序未見。全謝山紀聞三箋序曰。太原閻徵君潛邱嘗爲之箋。

已而長洲何義門學士又補之。斯二箋者。世宗憲皇帝居潛藩。皆嘗充乙夜之覽。亦不云有序也。

餘未刻成者。汝當兢兢典守。不可妄改一字。以待傳者。時王大

司寇阮亭先生送詩文集十四種。猶加繙閱。命不孝取笥中火經。口授數語。書於卷端云。此書乃大司寇大父方伯公所著。向諾檢寄。不可忘也。又云。汝扶櫬回淮。兩弟不必來。到則位我本宅。葬宜速。我愛參議公墓旁地。汝勉爲之。并遷汝母合葬。明日早。不孝見氣色漸異。泣問體中有所苦否。府君慨然曰。吾年六十有九。不能自主持。則平日讀書奚爲。殿下禮老朽甚。比遣官料理我喪。且從厚。我家風本儉。

素取其稱可耳。勿有絲豪過。倘有欲延僧誦經爲資冥福者。祈免語畢。微笑而逝。不孝詠慟絕數四。哀迷困匱。手足無措。所賴以辦大事者。秋豪皆殿下賜也。

世宗憲皇帝祭文。維康熙四十有三年。歲次甲申。六月朔己巳。越十有七日乙酉。皇四子多羅貝勒。以剛巖柔毛之奠。致祭於召試博學鴻詞。待贈徵仕郎。內閣中書舍人百詩閣老先生之靈曰。嗚呼。聖有四教。天有六經。著性開道。益智增明。自古在昔。賢哲代生。闡幽微顯。咀華含英。爰至我朝。登三咸五。文治昌崇。邁越千古。蔚彼儒林。或出或處。論述麟麟。流聲區宇。先生挺出。羣賢之標。家世奕奕。衣冠而朝。聰明踔厲。頭角垂髻。旣長篤學。屹屹晨宵。孫敬編柳。高鳳漂麥。董生下帷。舍園坐隔。不爲榮利。沈思經籍。仰視屋梁。俛披閒策。當其未得。寤寐之求。萬鍾千駟。莫解厥憂。當其得之。飛舞泳游。如鳥入雲。如魚脫鉤。下筆吐辭。天驚石破。讀書等身。一字無假。積軸盈箱。日程月課。孔思周情。旨深言大。嘗入銷院。厄於有司。徵書下賁。桂巷杉籬。遂白蓬茅。揮翰彤墀。歸而杜門。名山永期。縉紳士夫。東西造請。小子後生。執經守屏。道日以穹。望日以迥。靈光巋然。長淮南境。余從知學。卽耳先生。旋讀所著。嚮儻益誠。惠然肯就。安車之迎。懷鉛挾纒。樂我書城。方圖久習。用祛蒙陋。乃茲溘然。月未三穀。嗚呼先生。人亡名壽。詩紀毛傳。書從伏授。禮學精邃。先後鄭君。春秋昭揭。杜范齊尊。此數子者。雖逝實存。嗚呼先生。庶幾同論。維

是薄殖。誰與考業。聚短離長。音容莫接。陳醴芼馨。芳甘飲食。布奠傾觴。式增淒惻。嗚呼哀哉。尙饗。

世宗憲皇帝輓章。褒衣博帶。鉅儒身。瞥見松堂。繆幕新。天上星躔歸處士。人間藝圃失經神。魯魚猶辨
讎書力。辰巳先徵入夢因。絕勝匡牀揚子宅。謝家庭樹有奇珍。清流地望表清淮。北海碑前絳帳開。一
萬卷書維子讀。三千里路爲余來。春風倚檻鋪紅藥。夏雨臨窗潤綠槐。花下談經無兩月。那堪二豎鎮
相催。自昔儒英并大年。先生白髮已蕭然。初疑瘦骨全符鶴。詎料輕身早蛻蟬。舊德已嫌百歲老。古稀
猶欠一春延。遺編歷落珍珠字。留與韓門籍湜傳。皇四子多羅貝勒書。

謹案祭文輓章。恭檢世宗憲皇帝御集
皆不載。故禮親王昭棟嘯亭雜錄曰。安

郡王瑪爾渾者。安親王岳樂子也。少封世子。即好與毛西堂諸人游讌。著有敦和堂集。又嘗選宗室王公詩爲宸粵集。今杭大
宗道古堂集。載延接圖百詩爲雍邸事。誤也。憲皇龍潛時。謹介尊嚴。不與外人接見。况御製詩集中。亦無贈圖百詩詩。案此語先誤。
蓋百詩曾館於安世子處。而俗呼安王邸爲四王府。以致譌傳耳。穆案。杭大宗作傳。全據圖詠所撰行述。趙鉛山之志。又係詠承父
命。命乞嘯亭。未見行述。不知此事原委。故疑爲大宗之誤。不思岳樂世子。何敢擅冒皇子之名。則嘯亭此說。更可不辨矣。世宗御集。乃
乾隆初年哀刻。容有散
佚。未可因以致疑也。

是年五月。復申刻朱子古文書疑一卷於京師。

秋濤案。朱子古文書疑。亦潛邱著述之一種。復申刻序云。家大人徵君
先生著尙書古文疏證若干卷。非之者亦復不少。徵君意不自安。曰吾

爲此書。不過從朱子引而伸之。觸類而長之耳。因命詠取語類四十七條。大全集六條。彙次成編。名朱子古文書疑。就京師刻以行世。告詠曰云云。詠歎其循循善誘。故亦不敢旁溢一語。卽錄以爲序。又云。他日奉徵君返山陽云云。康熙甲申端午前三日。據復申此序。距先生易簀時。僅三十六日。此書纂於京師。卽刻於京師。事當皆在是年。并疑此爲先生絕筆之書。故信載編之疏證末也。茶餘客話謂朱子古文疑未刊誤。

劄記。火經跋余家藏是書。不記自何年。

實方伯公與羣芳譜。手授先祖者。後羣芳譜不知何往。而此書展轉流傳。獨插敝架上。似冥冥中有相之者。今年入長安。司寇公聞之。欣然請觀。遂以歸池北書庫。幸題數語。以見寒舍雖衰。猶曾與高門有孔李之舊云。聞書庫饒異本。只將宋王伯厚鈔本集。及其門人袁清容居士集假閱。可以計日奉還。長安酒貴。或不須我一甌乎。

淮海英靈集。王易輓閻徵君百詩詩。遠寄雙魚憶夏初。知君善病正愁予。傷心適易曾參贊。感夢先呼

范式車。

自注。余於先生屬續之夕。徵諸夢兆。

老去難忘知己淚。人間誰續未成書。

自注。著有古文尙書疏證。

樓頭若問山陽笛。絕調於今寄

太虛。

墓志。先生疾且革。命詠曰。必使趙夫子銘我墓。詠泣受命。山潞河扶柩歸。卜以康熙丙戌十月七日。葬於山陽城東南之學山墩。匍匐詣信。以遺言告。丁晏柘塘陞錄。潛邱先生葬郡城東南之學山墩。見

趙秋谷所作墓志。墩名不可考。邵孝廉源洙嘗言。去車橋二十里。地名塔兒頭。有冢隆然。土人謂是閻百詩墳。無人來矣。案淮安府志。塔兒頭集在城東南五十里。涇河至此下蕩。劉記有與劉超宗書云。十二日至塔莊掃墓。并看梅花。雨止丙舍中云云。道光二十六年。山陽縣學詳文。

百詩先生墓在淮安涇河岸。祠宇久圯。遺像於乾隆年間。被水患失傳。案涇河在山陽縣治南五十里。河口有牯分泄運河水。兼溉民田。

墓志。先生元配梁氏。繼配張氏。皆先先生卒。將於先生之葬也而耐焉。行述。元配先妣梁氏。貢生巽

卿女。繼配先妣張氏。萬歷己丑進士。禮部郎中。幼白公會孫女。案幼白。名世才。廩生青邱公女。劉記。余少有

悼亡諸篇什。為茸城夫人所賞。蓋悼梁氏也。又有贈李公凱明府詩。題下注。曾受經先外舅。不知謂梁謂張。

子三人。長詠。字復申。初名詒樸。字元木。康熙己丑科進士。中書舍人。著有左汾近稿。案近稿。寥寥詩話十餘條。短詩六十餘首。兼多

以潛邱之作。闢入不可解也。工篆刻。著有印譜。

魏叔子閻再彭六十序。君富著作。子若璩。孫詒樸。三世以詩文名江淮。墓志。詠有學行。少舉於鄉。多為賢豪引重。錢傳。子詠亦能文。孟子生卒年月攷。兒子詠方十歲。前對曰。祇云近聖人之居。

未嘗云生聖人之鄉。殆又一切證云。漁洋門人閻左汾印譜跋。左汾文章妙一世。游藝篆刻。不屑

屈曲以趨時好。而惟古是師。

割記。羅延年王常秦漢印統。有韓王印。覆斗紐。其文甚工。疑爲漢淮陰侯物。令兒子詠華於左。左汾近稿。與顧山容學士書。家父自都門歸。摹得錢宮聲年伯所寶司馬相如四字陽

文。神采煥發。妙絕古今。又有寄山容詩。自注。酷愛余鐵筆。

陳其年贈閻梓勤二十初度序有曰。觥觥吾友。嶽嶽而翁。猥於京國朋游。

漫說家門子姓。案梓勤。蓋詠之初字也。行述。詠娶陳氏。前庚辰科進士。工科給書中。外轉參議。諱

台孫公孫女。山西布政司經歷楷公女。道光二十六年。山陽縣學詳文。百詩先生子詠著作無多。

祇有劄記後刻左汾遺稿一冊。纂修天下全圖一幅。案圖未見。

次訓慤。字穀仲。淮山肄雅。訓慤官廬州府訓導。己未詞科錄。賈崧案陳迦陵梓勤二十序云。右晉

亦異才也。左汾右晉。詒樸訓慤自號云。行述。訓慤娶陸氏。順治乙未科進士。福建提學道僉事。候

補參議。諱求。可公孫女。太學生諱志寬公女。

次議略。字方叔。魏叔子閻氏三子字說。閻氏百詩有子三人。大父再彭君名之。屬其友魏叔子字之。

字詒樸曰元木。訓慤曰穀仲。議略曰方叔。行述。議略太學生。娶李氏。順治辛丑科進士。陝西督糧

道副使諱時謙公孫女。太學生諱師耳公女。俱張孺人出。

女五人。長適邱世求。行述。長適前萬歷丁丑科進士。光祿寺卿。贈戶部右侍郎。諱度元孫。郡庠生。諱倬子。太學生。世求。梁孺人出。

次適何寬。字而栗。劄記。有何壻而栗。授保定縣令。詩。行述。次適浙江督糧道參政何公諱源潛子。康熙乙卯科舉人。現任廣東平遠縣知縣。寬。

次適劉永禎。字紫涵。劄記。與紫涵詩凡四首。內一首結句云。古文疏證畢。端望作宏巡。行述。次適順治己亥科進士。宛平縣知縣。劉公諱昌言孫。康熙壬戌科進士。工部主事。諱愈公子。丁卯科拔貢生。候選學正。永禎。案秋谷至山陽。多主紫涵家。飴山集。劉君墓表曰。從其婦翁閻若璩共考據。遂周知古今。方苞王崑繩傳。以余所見。居兄弟之喪。顏色稱其情者。獨源與山陽劉永禎而已。案望溪又爲紫涵作墓志。劄記中所稱頌眉長籍。皆紫涵之弟也。

次適李爲楸。字喬森。劄記有贈喬森詩。行述。次適順治辛丑科進士。陝西督糧道副使。李公諱時謙孫。候選知縣。諱師沆公子。歲貢生。候選訓導。爲楸。

次適沈儼。字敬存。鹽城人。劄記。送敬存還鹽瀆詩起句云。最小謝庭女。子歸沈氏郎。行述。次適順

治戊戌科進士。四川遵義府推官。沈公諱漢孫。太學生諱志范公子。康熙壬午科舉人儼。俱張孺人出。淮安府志。沈儼。江西永豐縣知縣。

孫十有二人。長學翼。釋地多載學翼請益之言。劄記。示學翼詩。老翁晝抱孫。夜卽抱孫睡。多年冷布衾。不許足踏碎。惟許默記書。挑之口能背。始徐旣瀾翻。終未遺隻字。昌黎一代豪。教兒止期貴。何必香山叟。津津涎欲墜。果得綰與袞。箕裘曾勿替。遠哉平子澤。亦在進士第。大可鞭八荒。小則民社寄。總由一束書。屈首復遜志。披華臺閣體。耽寂山林意。效此輒飛騰。蹈彼恐淪棄。作詩示汝誦。汝轉告羣季。一門七葉興。諷讀當游戲。老翁顧之笑。西山凝爽氣。又贈張石虹。太史詩第四首第五句。有孫承素業。自注。時贈孫學翼詩。又有吳亦韓有札。謬獎孫學翼詩句。賦此志慨之作。行述。學翼郡庠生。聘現任直隸正定府知府劉公諱中柱孫女。廩貢生諱家珍女。不孝訓慤出。

次學林。字信藪。行述。學林未聘。不孝詠出。沈儼劄記序。先生家孫信藪。屈於下吏。位不稱才。有志紹述。己未春。余南行。晤於眞州云云。程崧釋地又續序。今年春。余留眞州舊館。閻子信藪時相過。從得復見釋地。又續三續二編草稿云云。時乾隆癸亥十二月也。鍾靈疏證後跋。信藪天性孝友。凡同堂弟姪。悉共爨同居。雖官卑祿薄。而刊刻各種遺書。竭力經營云云。學林疏證識曰。乾隆乙

丑之秋刻尙書古文疏證成。又曰先君子在中翰時欲板行之而未有成局。癸卯己酉學林兩至京師。先人之舊好寥寥數人。無復贊成斯事者。丙辰以來微秩自效。官卑俸薄。每泫然抱遺書而泣。癸亥春謁同里夔州程先生。先生雅嗜先大父書。慨然捐貲。而淮揚士大夫更多好義者。於是閱二載而蕺事。回憶學林之憂思徘徊。無所措手者。又二十年於茲矣。

次學丹。行述。學丹聘陸公諱求可曾孫女。志寬公孫女。貢生諱應麒公女。不孝訓愨出。

次學機。字心織。行述。學機聘康熙甲戌科進士。現任廣西南寧府知府。永淳縣知縣。徐公諱鳳池女。不孝詠出。寤硯齋集。跋閣徵君遺書後。嘗讀白傅池上篇。欲續一圖。及觀玉峯羣居課試錄序。圃

中花木交茂。開門見山。超然有物外之趣。今心織道兄校乃祖徵君先生遺書放禮堂寫定之意。繪像其中有閩蘭。有芰荷。有古松。有怪石。有旨酒。有異書。太傅太僕之樂。兼而有之。案心織當是學機之字。劄記

學林跋。卷五一册。乃仲弟學機。竭數年之力。於夙昔往來問難之家。尋先人手蹟。陸續成帙。疏證學林跋。仲弟學機。珍重先大父遺書。勤加手錄。天不假年。案此是學機早卒也。

次學殖。行述。學殖未聘。訓愨出。

次學樹。行述。學樹聘康熙丁未科探花，都察院左都御史，董公諱訥孫女。歲貢生，候選訓導，諱思懋。公女，不孝詠出。

次學麟。行述。學麟未聘，不孝議略出。

次學栢。行述。學栢聘順治辛丑科進士，現任內閣學士，兼禮部侍郎，李公諱鎧孫女。歲貢生，正藍旗教習，候選知縣諱珣公女，不孝詠出。

次學陽。行述。學陽聘敕封文林郎，翰林院編修，吳公諱璜曾孫女。割記有壽吳姬望丈詩，淮安府志儒林傳吳璜字姬望，山陽人。康熙壬

戌科進士，左春坊左中允，兼翰林院編修，諱晟公孫女。庠生諱泰公女，不孝議略出。

次學羣。行述。學羣不孝訓懋出。

次學炳。行述。學炳不孝議略出。

次學至。見釋地卷尾。案潛邱諸孫，行述無學至，釋地卷尾無學羣，當是學羣早殤，學至後生也。

孫女六。行述。孫女六，不孝詠出者一，幼未字，不孝訓懋出者一，適順治壬辰科進士，兵部督捕理事官徐公諱越曾孫，廣西柳州府武宣縣知縣，諱覺公孫，現任江南如皋縣教諭本豫公子某，不孝議

略出者四。一字郡廩生何公諱九微子。郡庠生景行。餘未字。曾孫大衍。見釋地。又續。及疏證後跋尾。

大文見釋地。又續卷尾。

續曾見釋地。又續卷尾。

元孫長庚。見釋地。又續卷尾。

五世孫潢。道光二十六年。山陽縣學詳文。百詩先生五世孫。山陽縣學附生。乙未科副榜。閻潢。潢子名椿芳。應童試。旋中讀書者。仍有童生二人。名士恩、士榮。

欽定四庫全書總目提要。

古文尙書疏證八卷。經部書類 閻若璩撰。古尙書文。較今文多十六篇。晉魏以來。絕無師說。故左氏所引。杜

預皆注曰逸書。東晉之初。其書始出。乃增多二十五篇。初猶與今文並立。自陸德明據以作釋文。孔穎達據以作正義。遂與伏生二十九篇。混合爲一。唐以來。雖疑經惑古。如劉知幾之流。亦以尙書一家。列之史通。未言古文之僞。自吳棫始有異議。朱子亦稍稍疑之。吳澄諸人。本朱子之說。相繼抉摘。

其僞益彰。然亦未能條分縷析。以扶其罅漏。明梅鷟始參攷諸書。證其剽剗。而見聞較狹。蒐采未周。至若璩乃引經據古。一一陳其矛盾之故。古文之僞乃大明。所列一百二十八條。毛奇齡作古文尙書冤詞。百計相軋。終不能以強辭奪正理。則有據之言。先立於不可敗也。其書初成四卷。餘姚黃宗義序之。其後四卷。又所次第續成。若璩歿後。傳寫佚其第三卷。其二卷第二十八條。二十九條。三十條。七卷第一百二條。一百八條。一百九條。一百十條。八卷第一百二十二條。及一百二十七條。皆有錄無書。編次先後。亦未歸條理。蓋猶艸創之本。其中偶爾未核者。如據正義所載鄭元書序注。謂馬鄭所傳。與孔傳篇目不符。其說最確。至謂馬鄭注本。亡於永嘉之亂。則殊不然。考二家之本。隋志尙皆著錄。稱所注凡二十九篇。經典釋文備引之。亦止二十九篇。蓋去其無師說者十六篇。止得二十九篇。與伏生數合。非別有一本注孔氏書也。若璩誤以鄭逸者。卽爲所注之逸篇。不免千慮之一失。又史記漢書。但有安國上古文尙書之說。並無受詔作傳之事。此僞本鑿空之顯證。亦辨僞本者至要之肯綮。乃置而未言。亦稍疏略。其他諸條之後。往往衍及旁文。動盈卷帙。蓋慮所著潛邱劄記或不傳。故附見於此。究爲支蔓。又前卷所論。後卷往往自駁。而不肯刪其前說。雖做鄭元注禮。先用魯詩。後不追改之意。於體例亦究屬未安。然反復釐剔。以祛千古之大疑。攷證之學。則固未之或先矣。

毛朱詩說一卷。

經部詩類存目

閻若璩撰。是書論小序爲不可盡信。而朱子以詩說詩爲矯枉過正。皆泛論兩

家得失。非章句訓詁也。所引尚書左傳。以爲詩之本序。誠爲確鑿。其餘則多懸揣臆斷之辭。不類若璩他著作。未喻其故也。

四書釋地一卷。續一卷。又續二卷。三續二卷。

經部四書類

閻若璩撰。是編因解四書者。昧於地理。往往致乖

經義。遂撰釋地一卷。凡五十七條。復摭所未盡。爲釋地續一卷。因牽連而及人名。凡八十條。復因地理人名。而及物類訓詁典制。得一百六十三條。謂之又續。其他解釋經義者。又得一百二十六條。謂之三續。總以釋地爲名。從其朔也。大抵事必求其根柢。言必求其依據。旁參互證。多所貫通。雖其中過執己意。如以鄒君假館。謂曹國爲復封。以南蠻馱舌。指許行爲永州人者。

秋濤案。此是學異之說。疑許行是永州一帶人。潛邱偶記

之。未可執以相病也。

亦閒有之。然四百二十一條之中。可據其十之七八。蓋若璩博極羣書。又精於攷證。百年以來。自顧炎武以外。罕能與之抗衡者。觀是書與尚書古文疏證。可以見其大概矣。

潛邱劄記六卷。

子部雜家類

閻若璩撰。是編皆其攷證經籍。隨筆劄記之文。傳本有二。一爲其孫學林所刻。

一爲山陽吳玉搢所刪定。考若璩尙書古文疏證卷六第八十一條下有云：潛邱劄記恐世不傳，仍載其說於此。然所載兩條，一推春秋莊公十八年日食，一推晉光熙元年正月七月十二月類食，今兩本皆無之。蓋其少年隨筆劄記，本未成書，後人掇拾於散佚之餘，裒合成帙，非其全也。此本卽吳玉搢所重定原刻，首兩卷雜記讀書時考論，多案而未斷，此本刪併爲一卷。原刻卷三曰地理餘論，以禹貢三川及四書中地名已詳疏證與釋地，此特餘論耳。此本次爲卷二，而取首兩卷內合於此一類者，次爲卷三。原刻卷四上錄雜文序跋，卷四下曰喪服翼注，曰補正日知錄。此本取首兩卷內涉及喪服者，次喪服翼注後，合爲卷四。移雜文序跋附補正日知錄後，次爲卷五。原本以與人答論經史書錄之卷五，以應博學鴻詞賦一首併雜詩若干首錄之卷六。詩賦非若璩所長，且劄記不當及此。此本刪去，而存其與人答論經史書，次爲卷六。蓋學林綴輯其祖之殘稿，徒欲一字不遺，遂致漫無體例。此本較學林所編尙有端緒。今姑從之。中間重見者四條，三見者一條，尙沿原本之誤。今悉爲刪正。若璩學問淹通，而負氣求勝，與人辨論，往往雜以毒詬惡諱，與汪琬遂成讎讐，頗乖著書之體。然記誦之博，攷核之精，國初實罕其倫匹。雖以顧炎武之學有本原，日知錄一書亦頗經其駁正，則其他可勿論也。茲編雖輯錄而成，非其全豹，而言言有據，皆足爲攷證之資，固不以殘闕廢之。

矣。

困學紀聞二十卷。

子部雜家類

宋王應麟撰。此本乃國朝閻若璩何焯所校。各有評注。多足與應麟之說相

發明。若璩攷證之功。十倍於焯。然若璩不薄視應麟。焯則動以詞科之學。輕相詬厲。攷應麟博極羣書。著述至六百餘卷。焯所聞見。恐未能望其津涯。未免輕於立論。是卽不及若璩之一徵。以其一知半解。亦或可採。故並行之。不加芟薙焉。

黃太沖尙書古文疏證序。淮海閣百詩。寄尙書古文疏證。方成四卷。屬余序之。余讀之終卷。見其取材富。折衷當。中間辨析三代以上之時日。禮儀。地理。刑法。官制。名諱。祀事。句讀。字義。因尙書以證他經史者。皆足以祛後儒之蔽。如此方可謂之窮經。行述。所著尙書古文疏證。不多示人。黃梨洲先生嘗見而奇之。歎曰。吾一生疑團。見此盡破矣。此外掊擊者不乏人。有著書相攻者。府君曰。萬世有公是非。此時固當不辨耳。

李文貞閣百詩小傳。余聞百詩閣先生名久。曩撫直隸。先生嘗郵致所著書數種。得披讀焉。今之學者。大抵搜華擷卉。爲文辭之用而已。至於字義故實。書文形聲。尙未有留意講攷於其閒者。若大者

爲遺經源流。禮典同異。細而地名山川。史載人物。眞贋是非之跡。則豈徒以樸學置之。抑其惡蹟就簡。而自恬於譎陋。嗚呼。文武之道。豈有小大哉。萬一朝廷舉行石渠之典。吾知衆籍羅奏。而莫之措辭。儒者之差。非云小缺矣。先生學極博。論核閒有出新意。掃沿說者。究其持辨。本末悉有所据。依趙贊善志。其與汪鈍翁難喪禮事。昔者眉山蘇氏曾以是嘲伊川矣。其門人爲之答。亦曰。正叔太君先逝而已。令有如先生。歷引古義。折以通禮。彼不得於言者。豈能無愧惜乎。先生逸處終老。曾不得奉清燕。備顧問。蒐祕府。校藝文。與諸儒上下折中。贊經史於方微。補遺軼之文獻。是誠可悲也已。余嘗慨夫老成日遠。舊學彫傷。晚出後生。益將無所攷實。自余登朝後。識面者。長洲顧寧人。宣城梅定九。鄞縣萬季野。知名者。尙有三數輩。而先生其一也。諸君子者。博極羣書。能以著述自通於後。中閒有專門名家者。就其所造。古人不讓也。今惟定九尙老而康。時致音問。餘則皆零落不可復見。每覽周易碩果之辭。大雅典型之詩。俯仰斯文。不勝寤歎。先生子詠。求予言揭之原。予不工金石之文。故謝不爲。而其學行大致。則趙志具焉。聊寫予那頌先民之思。倣司馬氏伯夷屈原體。爲閻先生小傳。康熙癸巳八月。

年月據閻氏所藏傳稿補。案伯夷屈原傳。何嘗不詳其出處始末。但參入議論耳。若此文只可謂之贊斷。斷非傳體也。道古堂集。閻若璩傳。安溪李文貞公嘗爲作傳。深致那頌先民之思。而未嘗以其姓氏達之。九重卽其所

著又不能旁魄而論亦似牽率酬應之作而於閻氏豪無加捐也。

劄記與戴唐器書云。崔元暉少頗屬詞。晚以爲非己長。不復構思。專意經術。宛然太原閻生一小像矣。詠漢鄭康成詩注。余屢欲傳康成照。詠宋劉敞。李燾。王應麟。馬端臨詩注。余嘗集四公逸事爲一帙。足補宋史列傳之略。及馬無傳。與戴唐器書。弟嘗手鈔沈約。謝靈運傳論。鍾嶸詩品。上下三序。元微之杜子美墓志序爲一帙。以爲古今聲詩原委。具載其中。惟宜精玩熟誦。疏證卷八。嘗

習淳化閣帖。至文不可解處。輒以爲有斷簡缺字。既習之日久。見其上下相生。一筆連注。苟閒覆其中之一字。氣便不屬。乃知當時語自爾也。惟親接其手書之人則解。旁人容有不解者。劄記與戴唐器書。偶得舊搨九成宮。唐搨未必。宋初本無疑。今摹勒上石。與天下共之。疏證卷八。家藏有宋名

畫授經圖。伏生東向坐。鼂大夫北面僂而立。旁有女子。儼然儒家風姿。爲之指點。

案沂州府漢畫伏生授經圖即如此。其石舊在

蘭山縣治西菜園中。道光二十五年。吾友許君印林。主教琅邪書院。訪得之。移置王右軍祠。劄記有元

與石企齊書大

旦絕句云。屈首窗間受一經。東西遊走竟何成。憑將骨與青山誓。老入儒林號伏生。不得其年。附記於此。載禮記曰。其少不諷誦。其壯不議論。其老不教誨。亦不謂無業之人矣。因自扁其堂曰老教堂。如宋

陸放翁老學庵之義。

以上類輯
潛邱軼事。

行述。府君讀書。每於無字句處。精思獨得。而辯才鋒穎。證據出入無方。當之者輒失據。常語不孝輩曰。讀書不尋源頭。雖得之殊不危。手一書至檢數十書相證。侍側者頭目爲眩。而府君精神涌溢。眼爛如電。一義未析。反復窮思。飢不食。渴不飲。寒不衣。熱不扇。必得其解而後止。古文詞不常作。偶存序記數十篇。非泛然者。詩甚夥。嘗與不孝詠。座主趙秋谷先生論詩云。吾詩無可傳者。比上殿下書。亦云某生平篤志經學。無暇爲文。閒有所述。無足觀采。其虛己不自滿假如此。性雅潔。不治產業。交游遍天下。先後名流。咸以文學相質。府君必詳細條答。雖熟記之書。必檢示出處。或閱他書。可以印證者。輒復手錄示之。或數年後。猶時時劄記。馳書告之。客游四方。常周人之急。傾囊不惜。至資斧告匱。束手無策。不以爲悔。有負義者。未嘗不深惡及其人。有故仍扶攜之。恐後。聞里中有不法事。輒切齒。常云。桑梓閒大利害廢置。非我責也。然生長於斯。而不能竭力救護。無用爲人矣。生平所正事。不可紀。每致儉人之怨。而終不能中府君者。以府君行誼完潔開亮。而誠懇之心。可以上格神明。下孚士類故也。

道古堂集。若璠學長於攷證辨覈。自言有志之士。務在盡己所受於天之分。而力學以盡其才。固自有可傳之道。與可以比擬之人。而無取乎過高之學。天性好罵。詞科五十人中。獨許吳志伊之博覽。徐勝力之強記。李天生謂其杜撰故事。汪鈍翁謂其私造典禮。堯峯文鈔。摺擊不遺餘力。生平所服膺者三人。曰錢牧齋。曰王太沖。曰顧寧人。然於錢猶曰。此老春秋不足作準。於黃則曰。太沖之徒粗待訪錄。指其譌謬者。不一而足也。於顧之日知錄。有補有正。猶在未定交時。可謂極學士之精能。非鴻儒之雅度也。又曰。所著書八種。四書釋地及孟子生卒年月攷。刻於及身。注困學紀聞。則廣陵馬氏刻之。古文尙書疏證。暨潛邱劄記。則其孫學林刻於淮安。

宋牧仲四書釋地序。吾友閻百詩氏。績學者古。於漢唐諸儒注疏。類能貫穿鉤穴。口誦如瀾翻。禹貢錐指略例。百詩與余銳意通禹貢。故錐指稱引較多。

居易錄。閻百詩云。漢古詩明月皎夜光一篇。玉衡指孟冬。漢以十月爲歲首。此孟冬乃建申之月。指改時而言。下文秋蟬鳴樹閒。爲明實候。故以不改者言。唐儲光羲詩。夏王紀冬令。般人乃正月。則又和盤托出。楊升庵曰。唐人不辨而自了然是也。惟宋儒始生異說。明人出而益滋妄解矣。

漁洋又稱。百詩近著博湖

掌錄有改歲改時改月解一篇最博而核云云案其說載疏證卷六上合漢古詩云爲一條茲不錄

帶經堂詩話門入太原閻詠寄余書云有人自謂精通小學問詠曰少陵詩賓客減應劉應爲人姓當讀作平聲何新城公作仄聲用詠不能對歸質家尊家尊云皆可用也此字正爲左傳國語應爲武王之子所封之國陸氏宋氏無音故黃公紹韻會於蒸部應字曰人姓陰時夫韻府於徑部應字曰人姓非平仄兩用之證乎亦猶吾鄉之枚乘漢書無音故子美作仄聲枚乘文章古是也安得是李而非杜是杜而非李乎伍子胥之員讀作運亦讀作云故陸魯望詩賴得伍員騷思少未聞以令公四俊之謠而病其不識字也徐自笑曰吾作新城公桓譚得否百詩博學強記漢唐注疏皆能舉其詞此其緒餘耳

茶餘客話閻潛邱遺書惟四書釋地三續宋商邱刻於吳校正困學紀聞馬秋玉刻於揚州其尙書古文疏證孔廟崇祀末議孟子生卒年月攷則里人刻之孫學林刻潛邱劄記如日知錄補正喪服翼注毛朱詩說續朱子古文疑宋劉攽李燾馬端臨王應麟四家逸事皆未刊劄記乃未定書零箋碎紙投入一筒捐館後家人與計簿混入筒中學林不知抉擇將他人往還手蹟及陳言狎語游戲

之詞。悉條舉而刻之。硃玉並陳。大失潛邱面目。予嘗刪存十之五六。卓然可傳不朽。又盧日堂嘗手輯潛邱緒論一編。曰閻氏碎金。皆洞庭書局中辨論之事。今無傳。又博湖掌錄一書。吳山夫少年時。猶見鈔本。予尋之二十年。無有知是書者。王漁洋稱其博雅精核。手錄其盤谷一條。辨李愿非西平子。亦全鼎之樹也。家伯祖樾軒先生。嘗戒子弟曰。近見後生小子。皆喜讀毛西河集。其所稱引。未足爲據。因言西河與閻百詩辨地理多穿鑿。百詩太息曰。汪堯峯私造典禮。李天生杜撰故實。毛大可割裂經文。貽誤後學匪淺。

戴蕨塘謠云。樾軒先生諱應商。官吏科都諫。

談龍錄。山陽閻百詩。學者也。唐賢三昧集初出。百詩謂余曰。是多舛錯。或校者之失。然亦足爲選者累。如王右丞詩。東南御亭上。莫使有風塵。御訛卸。江淮無卸亭也。孟襄陽詩。行侶時相問。涔陽何處邊。涔訛潯。涔陽近湘水。潯陽則遼絕矣。祖詠詩。西還不遑宿。中夜渡京水。京訛涇。京水正當圃田之西。涇水則已入關矣。余深韙其言。寓書阮翁。阮翁後著池北偶談內一條云。詩家惟論興會。道里遠近。不必盡合。如孟詩。暝帆何處泊。遙指落星灣。在南康云云。蓋潛解前語也。噫。受言實難。夫遙指云者。不必此夕果泊也。豈可爲潯陽解乎。又曰。百詩攷据精核。前無古人。好爲詩。自謂不工。然能知

其指歸。余與中論三昧集曰。右丞云。人閑桂花落。夜靜春山空。諸家曲爲之解。當闕疑也。儲光義云。山雲拂高棟。天漢入雲流。下句雲字定誤。不輕改正可也。漫而取之。使人學之可乎。李頎緩歌行。夸炫權勢。乖六義之旨。梁錕觀美人臥。直是淫詞。君子所必黜者。百詩大以爲然。比歲阮翁深不欲流布三昧集。且毀池北偶談之刻。其亦久而自知乎。方中德古事比。前刻有答閻百詩徵君書云。伏承手翰云。古事比奇書也。當就高明勝己之友。求其嚴加彈射。有不善者。應時改定。勿遺後人以口實也。案中德之書。至不足道。故答之如此。然先生之言。則至言也。

中德字田伯。號依巖。桐城人。明檢討以智之長子。

全謝山曰。閻徵君所著書最得意者。古文尙書疏證也。其次則四書釋地。徵君稽古甚勤。何義門學士推之。然未能洗去學究氣。爲可惜。使人不能無陋儒之歎。蓋限於天也。

案謝山不信潛邱古文尙書之說。故時有微詞。譏爲陋儒。似覺太過。

然曰未能洗去學究氣。則深中潛邱之病。學者分別觀之可也。

山陽詩徵。劉超宗百詩齋中。分賦得銅雀瓦磬。零落漳臺瓦。淒涼韻至清。西陵謹望幸。東序偶同聲。匪石心如轉。兼金價似輕。霜圖銷歇盡。此物獨硜硜。

徐北山眷西堂百詩徵君留飲

北山名麟吉字日馭淮安人諸生

楚城西北望河水東南流陵谷生新感衣冠憶舊游

停車上客過問字草堂幽日暮閒尋眺白雲紅樹秋

段玉裁戴氏年譜先生言閻百詩善讀書百詩讀一句書能識其正面背面又言閻百詩能攷核而不能做文章顧亭林文章較勝

蘇州志流寓引吳門補乘閻若璩淮陰人積學嗜古於漢唐諸儒注疏類能貫穿鉤穴口誦如瀾翻舉鴻博報罷來寓吳門宋中丞塋亟稱之日與顧嗣立何焯上下議論灑灑不休生平撰述雖不及顧炎武之富而精確過之

山西通志閻若璩少奇慧博極羣書而字句必精核不少苟尤嗜吟詩類張籍王建古樂府曉暢中

義蘊宏深

案先生喜談詩而詩非所長此皮傅之論不足爲先生榮也

江南通志若璩淹貫經史學博而思精最長於攷訂多闡先儒所未發

一統志略同

慕志先生非今之人蓋古之學者也其於書無所不讀又皆精晰而默識之其篤嗜若當盛暑者之慕清涼也其細若織紉者之於絲縷織縞也其區別若老農之辨黍稷菽粟也其用力雖壯夫駿馬

日馳數百里。不足以喻其勤。其持論雖法吏引囚決獄。具兩造當五刑。不足以喻其嚴也。銘曰。先生於學。邁嗜慾。少壯迄衰。日不足。典墳索邱。完在腹。旁薄紛綸。引以觸。理細大緒。窮繁縟。地千萬里。燦手目。事累百代。儼視矚。上都嶽嶽。折五鹿。談家如雲。甘屈辱。經神武庫。騰高躅。聲日以昌。身終伏。暮齒浸亨。嗟不祿。大雅摧歲。淮川曲。於文先生。後私淑。

阮太傅儒林傳稿。若璩又著孔廟從祀未議十一事。一曰孔廟祀典。宜復八佾。十二簋豆於太學。二曰十哲而外。宜進有若公西華兩賢於廟庭。廣爲十二哲。三曰秦冉顏何宜從祀。縣賈宜補入。四曰公明儀從祀。樂正克宜進於兩廡。五曰曾申申詳。均宜從祀。六曰河間獻王劉德。宜入從祀。七曰諸葛孔明。宜入從祀。八曰范仲淹。宜入從祀。九曰蔡元定。宜進於兩廡。十曰黃幹。請援蔡沈之例以進。十一曰兩廡先儒位次多陵躐。宜請釐正。孔廟從祀未議。書成於康熙四十年以前。外紀阮學浩奏稿。至乾隆十二年。

檢討山陽阮學浩。始上其議。部議未允。莫玉摺山陽志遠。而大學士朱軾。編次歷代名儒。於河間獻王。會取若

璩言爲斷。康熙五十四年。增祀范仲淹於西廡。雍正二年。復祀秦冉於東廡。顏何於西廡。案祀典諸葛孔明亦於雍

正二年。從祀西廡。先儒鄭元之次。乾隆三年。以有子升配東序。若璩私議。已上見於列聖施行矣。

右閣潛邱先生年譜四卷。國朝張穆撰。按穆仕履已見顧譜。原無卷數。亦釐爲四卷重刻焉。潛邱先生爲一代通儒。惟顧亭林足與雁行。百餘年來論學術者。無不極力推崇。而石州亦搜羅殆遍。與顧譜同。惟全謝山獨有微詞。譏爲陋儒。原涉太過。至曰未能洗去學究氣。則石州亦謂深中先生之病。或者疑焉。卽如胡朏明獻書行在。聖祖書者年篤學四字賜之。石州謂先生垂老。諄諄以求御書爲言。蓋有感於朏明之事。御書誠可寶。得之原稽古之至榮。然亦何至若與朏明角勝者。且屢爲其子言之也。又先生殆兼工制藝。茶餘客話稱何義門撰行遠集。悉如先生之旨。曰如此方見制藝之難。又稱先生嘗語義門曰。有虞氏刑官曰士。故舜典曰汝作士。呂刑士制百姓於刑之中。夏曰大理。周曰大司寇。若士師特司寇之屬。下大夫耳。周之士師。容或可稱爲士。而有虞氏之士。斷不可稱爲士師。奈何楊一清。王鏊。薛應旂。茅坤。邵圭潔。趙南星。李光縉。沈濱。許獬。徐曰久。顧錫疇。艾南英。黃淳耀。姚應章文。盡稱爲士師耶。其謹嚴如此。亦迥異乎三家村中之學究矣。又詩非先生所長。而山西通志稱其尤嗜吟詩。類張籍王建古樂府。石州謂此皮傅之論。未足爲先生榮。然嘗賦絕句云。簾紋如水曉驚秋。推枕尋釵搭臂鞦。郎困宿醒猶未起。一簾微雨看梳頭。亦非尋常學究可辦。噫。陶靖節閒情偶賦。原非白璧微瑕。偶及之亦以見賢者之不可測耳。咸豐癸丑重陽後二日。南海伍崇曜謹跋。

黃崑圃先生年譜

本館據畿輔叢書
本排印初編各叢
書僅有此本



黃崑圃先生年譜

顧鎮編

康熙十六年丁巳。公六歲。

隨父之曲陽任。未幾歸里。

教諭公除正定府曲陽縣訓導。公隨吳太夫人赴任所。一日立門外。見有諸生來謁。適教諭公他往。肅之入。詢所自來。知其遠也。請於太夫人爲設食。蓋公性喜延士類。於泮齡已見其端矣。已而無爲。公念公甚。趣之歸。親爲訓課。命側室余撫之。

康熙十七年戊午。公七歲。

讀易詩二經。

康熙十八年己未。公八歲。

讀尙書。

康熙十九年庚申。公九歲。

讀左傳。

無爲公素熟三傳。著有左傳彙紀。公穀合纂等書。至是爲口講指畫。公悉領受。

康熙二十年辛酉。公十歲。

復之曲陽。始學應舉文字。

康熙二十一年壬戌。公十一歲。

黃崑圃先生年譜卷上

門下士顧鎮編次

康熙十一年壬子秋九月戊寅公生於中西坊。

公諱叔琳字崑圃順天府大興縣人父諱華蕃字澗采以明經任大城教諭系出新安程氏年數歲失父母母舅無爲州州同黃公諱爾悟無子因撫爲己子遂姓黃氏母吳太夫人錢塘國學生諱麟龍章公女誕公之辰公生曾祖母于安人夢老儒囊筆入室索水類面驚覺而公生同父五人公其長也。

康熙十二年癸丑公二歲。

康熙十三年甲寅公三歲。

康熙十四年乙卯公四歲。

康熙十五年丙辰公五歲。

夏四月就塾。

時無爲公解組歸里以公穎異鍾愛之口授四子書皆能成誦爲錦函五以貯所識字旬日貯函已滿王父色喜題之曰五車書是年教諭公以明經應廷試高等歸部銓選。

康熙二十五年丙寅，公十五歲。

歲試補廩膳生。

學使李愚菴先生諱應薦，得公卷，擊節嘉嘆。有山川間氣，產斯英物之賞。遂以第三人食餼。是年少京兆王公維珍季考長蘆鹺使任，公珝觀風皆第一。

康熙二十六年丁卯，公十六歲。

始究心理學。

時受業崇陽饒仲如先生，究心儒先名理，學以大進。

聘馮夫人。

雁門馮懿生先生諱雲驢，官禮科給事中，造門索文閱之，嘆曰：骨重神寒，清廟器。其黃生之謂歟。遂以次女字焉。

康熙二十七年戊辰，公十七歲。

從學孝感蕭端士先生。

饒先生南歸，乃從先生游，益淬勵讀書。

康熙二十八年己巳，公十八歲。

歲試第二名，與同志爲文會。

讀禮記與曲陽諸生爲文字會。

同官孫君某主課。題爲故事半古之人二句。公援筆立就。中有云。以事而論。則古人倍於我。以功而論。則古人半於我。孫君爲之嘆絕。決爲非常器。時教諭公於學舍隙地。構養素軒三楹。爲諸生問字之地。公嘗竊聽講論。私取有明大家制義讀之。盡棄時俗所尙之文。

康熙二十二年癸亥。公十二歲。

夏六月。入順天府學。

正月。自曲陽歸。感寒疾。兩月始瘳。四月應府試。少京兆張公鵬閱。至次藝麒麟。之於走獸篇。有云。麟之生也。當爲王者之祥。麟之獲也。遂絕春秋之筆。嘆爲命世才。六月。督學平原董公訥。取入郡庠。

康熙二十三年甲子。公十三歲。

始應鄉試。

康熙二十四年乙丑。公十四歲。

從學廖樾阡先生。

先生諱鳳徵。江南松江府華亭縣人。康熙癸酉。北闈南元。先是公從上海陸錫傳先生問學。陸以憂歸。乃游先生門。先生傾心啟迪。靡間寒暑。是年無爲公卜居靈鍾坊。俗名李鐵鍋斜街是也。遷居前一日。公夢伯祖中丞公授以小鉞。指故宅接遠樓匾額。屬令易之。冬。教諭公轉大城縣學教諭。

康熙三十一年壬申，公二十一歲。

夏五月壬子，馮夫人卒。

夫人性婉嫵，克勤婦職，構弱疾，纏綿一載，卒殯於北下莊羅氏丙舍。是秋教諭公致仕旋里。

康熙三十二年癸酉，公二十二歲。

秋八月，繼娶武夫人。

武昌太守周南公諱廷适女，原籍山西，徙居天津，時年十九歲。

康熙三十三年甲戌，公二十三歲。

充會試同考官。

分校禮記房，得黃彥標、陳豫朋、徐振、毛殿颺、曹彥棻、牟恆、法海、海寶、張丙厚、袁宸輔、楊琛、王家驩十

二人，與袁靜公民部聯席校閱，悉力搜拔，不敢稍事苟且。薦卷中尤愛廬江李灃、仁和朱良佐、新城

何世璣。

留庶常館，再習國書。

出闈後，病目甚，值散館，作字不能成點畫，僅成別館春寒淑氣催五言排律一首，閱卷置後，奉旨再

留教習三年。

康熙三十四年乙亥，公二十四歲。

陳子翹儀、王天如某、張霞舉某、張庚先某、張爾裕某，共爲文會，講貫切劘，晨夕無間。是年少京兆汪公晉徵季考第一，後每試輒第一，因延至邸寓，令其子訂交焉。

康熙二十九年庚午，公十九歲。

鄉試中式，始究心經世之學。

中式四十四名，主考爲侍讀學士王公揆，江南太倉人。康熙庚戌進士，編修魏公希徵，山東鄆城人。康熙丙辰進士，同考贊皇縣知縣史公長昆，山東樂陵人。康熙丙辰進士，是年青浦王令詒原，嘉善魏禹平坤，海寧查德尹嗣璫，長洲汪文升士鉉，宛平王崑繩原，皆來訂交，同執經吳述菴先生，以聖賢經世之學相鏃礪焉。

冬月，馮夫人來歸。

時年十八。

康熙三十年辛未，公二十歲。

會試中式。

中式第十八名，總裁爲京江相國張公玉書，澤州相國陳公廷敬，新城司寇王公士禎，安溪相國李公光地，同考涇陽劉公涵，康熙乙丑進士，殿試及第，授翰林院編修，習國書。公卷本列進呈之末，聖祖親閱，拔置一甲第三名。

先生山西猗氏人。康熙丁未進士。以黔撫落職。留京師。公時相過從。聽講四子書。及宋儒性理。往復討論。殆無虛日。是年公第五弟叔璈中順天鄉試。

康熙三十九年庚辰。公二十九歲。

夏五月。召試暢春苑。稱旨。賜御書一幅。

冬十月癸亥。武夫人卒。

公列館職十年。交游日廣。食指益繁。每苦用不給。夫人脫簪搜篋。黽勉有無。無幾微介顏色。及疾革。語公曰。事業君自不可量。顧我福薄。不及見耳。遂卒。年二十六。逾月殯於翠微山祖塋之旁。

十有二月丁卯。無爲公卒。

無爲公疾。公隨教諭。公視湯藥。惟謹。衣不解帶。目不交睫者。十數晝夜。無爲公嘆曰。可謂孝矣。

康熙四十年辛巳。公三十歲。

春二月。殯無爲公於北下莊丙舍。

康熙四十一年壬午。公三十一歲。

是秋。公第二弟叔琬中順天鄉試。

康熙四十二年癸未。公三十二歲。

秋九月。晉國子監司業。

在庶常館肄業

是年桐城諸生方靈皋來謁。靈皋名苞。公一見莫逆。遂訂交焉。薦以涿鹿滕氏館。每來都。輒信宿別去。

康熙三十五年丙子。公二十五歲。

秋九月丙辰。祖母李太夫人卒。

夫人爲天啟乙丑進士參政。應選公女。時年六十七歲。無爲公側室。余亦以是年七月卒。公念撫育之恩。慟悼不已。雖耄年憶及。猶淚涔涔下也。

康熙三十六年丁丑。公二十六歲。

秋七月散館。

時聖祖親征朔漠。五月回鑾。至是始散館。公名列第一。未幾充方略館纂修官。覃恩封贈二代。

康熙三十七年戊寅。公二十七歲。

與修一統志。及滯鑑類函等書。

辰入酉出。無間寒暑。珥筆編摩。爲諸老所倚藉。

康熙三十八年己卯。公二十八歲。

與衛旣齊先生講四子書。

十有二月立本生祖父母木主於里第西偏。

本生祖諱伯起字瑞芝順治初嘗攝陝西郿縣篆罷職居京師本生祖妣柳孺人公爲別置一室奉木主於內俾子孫世世饋食焉。

康熙四十六年丁亥公三十六歲。

冬十月行大祥禮。

康熙四十七年戊子公三十七歲。

春正月服除行祔廟禮。

夏四月補侍講。

先是一侍講缺出應屬公有攘之者或謂公當請於掌院公不答至是始得補焉。

冬十有二月奉命提督山東學政。

康熙四十八年己丑公三十八歲。

春正月頒布學政條約。

一敦敍人倫二崇尚經術三淹貫史傳四精熟性理五服行小學六取法先正七尊禮師儒八砥礪廉節九清完逋賦十講習武備復頒發論文規條其略謂制義以八股爲定格虛實相生反正迭用開闔起止各各立意立矣乃以氣運之自首訖尾股法雖分氣則一貫加以摘詞布采有典有則。

康熙四十三年甲申，公三十三歲。

考錄國子監八旗教習。

錄吳遵瑛等四十八人，絕去瞻徇，士論翕然。

冬十有一月，晉翰林院侍講。

十有二月，繼娶武夫人。

前武夫人從妹，時年二十，父諱廷豫，候選主事。

康熙四十四年乙酉，公三十四歲。

春正月，侍教諭公行鄉飲禮。

教諭公舉鄉飲大賓，公偕諸弟奉杖履以從，扶掖贊相，禮成而歸。

秋七月，轉陞侍讀。

是秋九月，公第三弟叔琪，中順天鄉試。

冬十月壬子，公父教諭公卒。

年六十有一，公拊膺擗踊，水漿不入口者數日，家人苦勸，乃勉進饘粥。

康熙四十五年丙戌，公三十五歲。

冬十月，行小祥禮，殯教諭公於北下莊丙舍。

牧徐君理之，興復如舊。

秋七月，興白雪書院。

會城舊設書院，日久廢弛。公銳志振興，延師儒，選材僑，俾肄業其中。時撫藩以下，皆捐俸以資膏火。公爲經久遠計，嚴課程，厚廩餼。一時人士，鼓舞奮興。如張君淳、李君元瓚、徐君士林、李君慎修、喬君世臣、李君元直、焦君祈年、盧君見曾、鄒君麗中、張君元、宋君來會，皆公所造就也。

八月，改鴻臚寺少卿，仍留學政任。

康熙四十九年庚寅，公三十九歲。

春三月，按試東昌。

臨清牧誣揭武生李克信，諸生蓄忿喜事者，乘機煽惑，希圖協制。及按試，廩保無一人至者。公檄該府嚴查李克信，是否主唆，抑係該州捏詳，仍另示期考試，士氣翕然。臨邑縣詳揭抗糧生員于宗魯八人，公批限十日全完，諸生遵卽赴納，吏胥以刁索不遂，勒不報完。該縣仍請褫革，公廉得其實，白諸撫軍，士賴瓦全。

秋九月，泰安三賢祠落成。

公肅儀展謁，爲立碑記其事，系以歌詩。

刻漁洋詩話。

乃可言文。壬辰以前，猶遵古法。丙戌之際，漸趨油滑。丙辰以後，變爲長股。股中又無復精意。於是八股之意盡失。夫射者志於彀率，大匠必以規矩。吾未見有偏規改錯，而可以成器制用者也。

三月，公弟叔琬、叔璫會試中式。

夏四月丙寅，子登賢生。

武夫人出。

五月，按試登州，復孝子王恩榮頂帶。

王恩榮，某縣人。父爲尹奇強所殺。恩榮方九歲，母劉攜之控縣。奇強因緣幸脫，僅追給葬埋銀十兩。其祖母自縊，母劉悲憤死。恩榮號泣欲報讎，恐身死嗣絕，無以奉父祀。需至子生，乃踣讎擊之，弗死。仍逸去，控於官。縣令憐而貰之。至是，公按試登郡，恩榮赴試，遇讎於戚家坊，直前扼其吭，擊其腦，復碎其下體斃焉。趨縣詣獄。公聞之曰：奇男子也。求忠臣必於孝子之門。吾方銜命擇士，可遺若人乎？乃檄縣俾出獄，就試。曰：讞法聽之有司，試無妨也。時臬司李公、中丞蔣公，感公意釋之，俾爲諸生。如故。萊陽胥役恣甚，士夫有不忍其凌轢，遠避他鄉者。公嚴檄下萊陽，風始戢。他郡邑聞之，皆斂衽不敢逞。公之扶植士氣類如此。

六月，按試泰安，重建三賢祠。

岱宗之麓，有三賢祠。祀宋安定胡先生、泰山孫先生、徂徠石先生。年久頽廢，歆薦闕焉。公割俸屬州

新城司寇撰詩話三卷，藏於家，公爲序而梓焉。

康熙五十年辛卯，公四十歲。

春正月，修復松林書院。

青州郡城向有書院，祀宋十三賢。時諸生聞風興起，遠近翕集，白雪書院至不能容，因修復此院。牀榻几席，及諸生膏火，皆公捐俸所備。課規悉如白雪，所成就者亦相埒。如丁君士儻、陳君有蓄、馬君長淑、辛君有光、李君志遠、劉君軼政、秦君紘、林君仲懿、王君瀛、孫君果、董君思恭，皆其選也。

冬十有一月，學政期滿。

公持衡三載，公以御物，明以論文。每試畢，令諸生前面，諭以某卷某意佳，某處勝，某卷某字疵，某句累，不必開卷，而指示瞭如。遵安溪先生之教，童子有能成誦五經者，爲青其衿。至是而泮宮內習五經者，幾十之二。諸生悅服，走籲中丞請留，中丞具疏上聞，以代者有人，不果。諸生乃製長生祿位，奉安松林書院十三賢之列，宮贊趙執信，碑記其事。

凱謫戍遼左。遺其子敦厚。朝宗、東寧、並受業焉。

冬十有一月。晉通政使司右通政。

康熙五十三年甲午。公四十三歲。

春正月庚戌。次子登穀生。

側室王恭人出。時弟叔琬奉命提督山西學政。公戒以絕苞苴。杜請託。精衡鑑。慎黜落四事。後凡自晉來者。咸翕然稱頌。公爲之色喜。

康熙五十四年乙未。公四十四歲。

夏四月。進左通政。

冬十有一月。充武殿試讀卷官。

康熙五十五年丙申。公四十五歲。

冬十有一月。第三妹歸柏鄉魏氏。

六合縣知縣魏世泰之子。名允中。妹爲袁孺人所生。吳太夫人撫如己出。公仰承親志。經理匱具。無不曲盡。

康熙五十六年丁酉。公四十六歲。

冬十月庚子。葬教諭公於南下莊韓山新阡。

黃崑圃先生年譜卷中

康熙五十一年壬辰公四十一歲。

夏四月遷通政使司右參議。

時自山東復命遂遷是職。

五月進左參議。

冬十有一月晉太常寺少卿。

公在山左三年培養人材扶掖善類汲汲如不及頌聲載道上達九重一歲之中三遷其官公受恩感激益加砥礪。

康熙五十二年癸巳公四十二歲。

春三月恭遇萬壽覃恩封贈二代。

是春公第五弟叔璫中恩科鄉試教諭公側室袁孺人出自教諭公卽世弟方沖齡公友愛玉成至是舉京兆試公爲之喜而不寐。

夏五月改奉天府府丞。

府丞專司學政公至立規條行月課勲勲懇懇以振興古學爲務半載內所造就士頗多時劉方伯

壻名宗萬。家宰文恭公長子。今任太常少卿。

冬十有一月十三日。公在署齋宿。驚聞聖祖仁皇帝龍馭賓天。攀號欲絕。每念登第後三十年來。蒙養隆恩。輒舉聲長慟。暮年有詩云。風雨橋山愴夢思。蓋至老猶深感悼云。

十有二月。晉內閣學士兼禮部侍郎。尋遷刑部右侍郎。恭遇世宗憲皇帝龍飛。召對稱旨。特有是擢。雍正元年癸卯。公五十二歲。

春二月。覃恩封贈二代。賜近視眼鏡二。

公素短視。上召對詢知。特賜二鏡焉。

三月。奉命典江南鄉試。尋調吏部右侍郎。

時副者爲東昌鄧殿撰鍾岳。中途聞訃奔歸。上命卽一人主試。公在鑰院月餘。焚膏繼晷。闈卷萬八千餘。並經簡閱。榜發。得王晉原等百二十九人。其中如陳祖范、任啟運、徐文靖、李東懷、程之銘、潘思渠、張鵬翀、唐瑄、徐鐸、胡金蘭、今名寶潘偉、王庭諍、皆知名士。而施燧、周振業、刁琢、劉俊、亦皆老宿。以微瑕置副車。江左稱得人盛者。庚午己卯而後。是科爲最。

夏五月。自江寧起程。

行至鳳陽屬邑。聞野寺書聲。因少憩。塾師後至。詢之。乃庠生也。與之語。輒詆調試官。叩其闈作。生揚揚背誦。及首篇將完。公曰。無容背矣。爾次作。何以化育分貼天地耶。其人悚息。肅衣冠拜謝。

先是堪輿家相度。經十餘年。凡更數人。言皆不合。公齋沐禱於神。乃卜食。是地。取證於黃太史際飛。際飛爲之圖說。

康熙五十七年戊戌。公四十七歲。

冬十有一月。晉都察院左僉都御史。

時公弟叔璈掌浙江道監察御史。例應迴避。奉旨。黃叔琳不久卽陞。伊弟黃叔璈何必迴避。一時稱異數云。

康熙五十八年己亥。公四十八歲。

冬十有一月。晉太常寺卿。

康熙五十九年庚子。公四十九歲。

冬十月。葬族叔靖州吏目。

公族叔諱華秀。任吏目。康熙壬辰年卒。貧未克葬。至是族叔母傅卒。公經紀其喪。並舉兩柩。合窆於北下莊祖塋之右。爲其子叔琮置廬舍。月有餼焉。又再從弟叔瑛。窶甚。公解衣推食。無少間。

康熙六十年辛丑。公五十歲。

康熙六十一年壬寅。公五十一歲。

春三月。長女適靜海勵氏。

不得過一錢二分四釐。又楚鹽有安梁二種，黑白不同，其安鹽較梁鹽再減二釐，商民兩便，會稿具題。拜疏後，卽日起程，沿江黎庶，執香載道，繇延數里，道經河南許州，時平越王士俊知州事，有循聲謁公寓致禮物，公曰：我往來數千里，洗手不將一物，聞君名藉甚，留木瓜四枚，以誌廉吏之惠。

十有二月初四日，復命，卽留閱新進士朝考卷。

備陳楚省吏治，及沿途郡縣利弊，并所見聞賢能吏姓名，具列以上。是年初行新進士朝考例，卽留公閱卷，上書冰心玉尺匾額以賜，并傳新進士恭看。次日試卷進呈，歸省吳太夫人於里第。

歲除日，賜御書福字，及御案木瓜一盤。

公嘗從宮門捧上賜克食出，太宰某笑問曰：歸遺細君，公對曰：小人有母，一時傳爲美談，且有以上聞者，至是入見，上問汝母新年幾何，精神健否，隨賜御書福字，諭曰：賜爾家滿門福。又撤御案木瓜二十七枚，盛以瀆青龍瓷盤，賜公攜歸供母聞香。是年族子元鐸成進士，初元鐸隨祖宦遊江右，已而僑寓白下，丁酉來都，公招之歸，飲食教誨，備極周至，每朝罷，與之講解經書，考論文義。庚子中副榜，至是聯捷館選，迨改官比部，始挈眷別居焉。

雍正二年甲辰，公五十三歲。

春二月，加兵部侍郎銜，巡撫浙江。

上以浙江風俗刁頑，人情惡薄，命公亟往整飭，啟行前數日，蒙賜御書德門壽母匾額，公入謝，又蒙

六月初三日復命。

上問江南山東一帶吏治民生有風移俗易景象否。公奏云。尚祈寬以歲月。上頷之。賜香珠一串而
出。嗣後凡有數陳。悉荷允行。公素慎密。不復存稿。其發部議准行者。惟就近酌撥兵米一事。賜御製
詩扇一柄。

一日公獨對上前。上諭外間凡有所聞。爾卽行密奏。公奏云。果有關係事件。臣自當據實入告。若事
涉曖昧。攻發人之陰私。臣則不敢。上笑曰。爾尙熟記論語小註耶。隨出御製詩扇一柄以賜。賜鮮荔
枝一瓶。

進吏部左侍郎。

時太常卿缺員。應兩藩司內陞。而有先後。序其後者。計欲先得。所司暗而許之。具稿呈堂。公叱之。其
人令子來謁。願以千金爲壽。公曰。朝廷紀綱。不可以利壞。

冬十月奉命之楚。酌平鹽價。

時鹽價昂貴。楚督楊宗仁。因裁革陋規。議將鹽餉照三十年以前定價。兩淮鹽政謝賜履。以近年有
捐解河工。織造銅餉。腳價及積年未完。帶征新舊額數繁多。衆商無力挽運。有誤課項。議每包照時
價止減六釐。各持一說。有旨命公前往會同酌定。妥議具奏。特賜絨結頂貂帽。天馬皮馬褂。青狹缺
襟袍。公卽馳至武昌。爲因時酌定。除照裁革陋規。每包減去六釐外。以一錢一分九釐爲率。價貴時

飭拏無爲等邪教。

時邪教盛行。愚民受其蠱惑。執香膜拜。所在都有。而游食無藉之徒。竄入其中。將爲風俗人心之害。公密拏首惡。按律重懲。曉諭愚民。各安生業。諸部肅然。

訪緝護梟私販。

無業貧民。以私販餬口。原非敢於爲惡。恃有積窩巨棍爲之護持。幾於肆無忌憚。公立法嚴懲首惡。刑無濫及。而此風漸戢。

禁絕里書飛灑侵詭等弊。

地畝照魚鱗冊。錢糧按會計。本自昭晰。而胥役詭戶花分。空糧飛灑。察之輕若鎗銖。積之遂成鈞石。蠹國殃民。莫此爲甚。公稔知其弊。祇許人立一戶。每戶填註額征若干。令民自行投櫃。胥吏無所容奸。

五月旱。公步禱立霽。

時旱甚。有人言禱於天竺。則雨。公隨出署步禱。行烈日中。直至天竺。稽首請命。云百姓無辜。如應降災。願以身受。甫下山而大雨立降。賜紫金離宮蟾酥鹽水等藥錠。大小扇墜數十事。走摺人賈回。公叩頭祇受訖。隨繕摺恭謝。

訪提巨棍賀懋芳等。

垂詢諸弟才幹孰優。公具以實對。陛辭。賜鞍馬荷包燧囊等物。

刻顏氏家訓節鈔。

時家門方盛。公虞子姪不知持盈保家之理。因刻是書。以示訓誡。

三月。登賢中順天鄉試。

三姪詠同榜中式。是月初三日。公自都起程。攜登賢之任。在道接閱試錄。既喜且懼。因戒之曰。禮經有言。志不可滿。樂不可極。汝宜三復。

壬寅。武夫人卒。

年四十歲。公以太夫人春秋高。留夫人侍養。別去僅二十五日。遽以疾逝。夫人性端莊。善治家。尤恢宏識大體。公念諸弟中式後。需次期遠。無以慰太夫人心。皆爲援例。俾早就銓。或謂夫人曰。大人揮霍不稍惜。夫人顧不爲子孫計乎。夫人正色曰。兄弟之不和。皆由婦人。今夫子友愛。當贊成之。敢有間言乎。無錫王中翰。督主公家塾。病卒。適夫人誕辰。家人方爲捧觴。夫人卻之曰。朋友在殯。義不稱慶。爲備附身之具。送之南歸。迨公奉命撫浙。諸弟俱歷仕途。簪笏一門。宗黨稱榮。夫人每憂形於色。公問之。對曰。盛衰相倚伏。君其慎焉。公深然之。比聞訃。傷悼不已。命登賢即日奔喪。

夏四月。抵撫署。主武闈試。

取中壽無疆等九十人。

帝天恩，免其提解。

雍正三年乙巳，公五十四歲。

春正月，奉旨效力海塘。

先是法司照故勘平人例議覆，憲皇帝諭大學士馬齊曰：黃叔琳係一省巡撫，豈有打死地方一光棍，遂致抵償之理。隨奉有修理海塘恩旨。

二月，赴海寧工次。

夏五月，之蘇州，隨赴松江工次。

時改發松江，得借動蘇藩庫項，陸續交還。公弟叔璣在浙，冤案亦結，得旨放還。

雍正四年丙午，公五十五歲。

與吳中門人論學賦詩。

公旅居多暇，門人夏用修、慎樞、徐蓋、侯琛、陳亦韓、祖范、張天屏、鵬翀、宗姪證、孫干人、鶴九炳，先後來寓，或盤桓累月，或周旋浹旬，攷經問字，拈韻分題，無虛日。鵬翀詩思敏疾，軼於常倫。中秋前一夕，三鼓，公已就寢，鵬翀醉成長律，立門外朗誦索和，公披衣走筆應之，有句云：白雲北望迷雙屐，蓋未嘗刻置將母之懷也。

冬十月，登穀來蘇。

時有賀懋芳、朱九密、朱子佩、林光臨、陳有祿、尤顯臣、戚阿長、張乘時等，散處各邑，爲鄉曲害。而懋芳尤桀驁不法，號小霸王，部黨百餘人，縣官吏瑟縮不敢加詰。公知之，撥弁提至，親詢得實，予以荷校。吏民稱快。未幾懋芳以病告驗釋，越數日死。

秋七月，親勘沿海潮災。

十八九等日，風雨大作，海潮爲患。仁和海寧、平湖、山陰、會稽、蕭山、餘姚、上杭諸邑，塘堤衝坍，田廬漂沒。公飛章入告，一面檄飭司道等督同有司，捍禦拯救，鹽場竈戶一體賑恤。又親馳海壩，一切緊要工程，往來督率者月餘，民賴以安。

八月，解任。

有誣奏公徇庇婦親陳氏，將賀懋芳杖斃，且奉差平鹽價時，受賕鉅萬。又誣弟叔璫回京過浙，家人與鋪家爭毆，致斃人命，奉旨解任。交將軍安泰布政司修吉圖查審。

十月，赴揚州聽勘。

以被誣收受淮南贓款，欽差侍郎李公周望、塞公楞額，及巡鹽御史鳴世圖會勘。商總程澤弓等各已誣服。於固始地方，交陳姓家人收受銀四十萬兩，及公到案，歷陳在楚會定鹽價情事，及沿途勘合，並未經由固始。陳姓家人並未隨往，衆商仰面呼天，俱稱畏刑妄供。二公爲具摺奏覆。時已歲暮，寓天寧寺淨業山房。弟叔璫命四姪德鑄來侍，而浙中案件，旋經奏請革職，提至杭州質審。蒙憲皇

春二月命登穀北歸就試。

口占二律寄弟叔璫。有句云。晨昏結夢惟萱草。榮悴關心祇棣華。聚首庭前應悵望。闔廬城畔是天涯。蓋羈旅愁懷。無刻不關骨肉也。時吳中士大夫在籍者。多同館後進。時相往還。閒以詩文讌集。寓園之蒼翠亭。以俗事干謁者。力辭謝之。

與任啟運講易。

啟運以手訂周易洗心請正。因與辨析河洛先天後天。卦體方圓各圖說月餘。

冬十月登穀復來蘇省視。

雍正八年庚戌。公五十九歲。

夏四月登賢復來蘇省視。

於十月命之北旋。口占二律。有君恩如可冀。歲晏拜庭除之句。蓋是秋有查辦寬免之旨。故云。

桐城進士周大璋來謁。

大璋字聘侯。皖江名宿。卯闈被黜。頗懷憤。及進謁。乃嘆爲不可及。北面修弟子儀焉。

雍正九年辛亥。公六十歲。

春正月。弟叔璫來蘇問視。

夏四月。纂文心雕龍註。

公時居停朱氏家。朱有姪肇，基將隨其父之江陵縣，佐任來謁公。一見器之，謂其父曰：「此令子也，何不玉成之？」促令北上，爲寓書嘯植。後數年，以在館優敍得官，近典郡矣。又朱氏有甥孫范，名廷衛者，年未冠，躁佻少沈靜，人咸鄙之。公曰：「此宜于城選，當令習孫吳法。」後果中武會魁，官侍衛，公扶獎人倫，以成其美。有林宗之風焉。

雍正五年丁未，公五十六歲。

定周禮節訓。

與陳祖范往復論訂，凡四易稿而成。後當湖張子今涪請刊行世。

雍正六年戊申，公五十七歲。

夏五月，命登賢就婚曲阜孔氏。

秋七月，移寓白塔巷顧氏園。

時弟叔琬自粵西罷官，甫抵子舍，旋復赴閩。過吳，登賢亦來蘇省視。

吳中諸生張敍等來學。

太倉張冰、篁敍，常熟汪西京、沈琇，吳縣張翼庭進，沈學基、志祖，楊虞尊、王樟，元和方定之、懋祿，莊正

子大中，皆吳中俊流，各以其學就正焉。

雍正七年己酉，公五十八歲。

一月爲登穀娶婦王氏。

舊本流傳既久。音注多訛。公暇日繙閱。隨手訓釋。適吳趨文學顧尊光進來謁。因與共參訂焉。

秋八月。送老友王迪臣歸鎮江。迪臣名廷擢。以善書遊長安。時往來養素堂。倦遊南歸。聞公在吳。買舟過從。忽患風疾。公盡典衣裘。得白鏹若干。資之以歸。

冬十月壬寅。長孫端紱生。登賢出。

雍正十年壬子。公六十一歲。

春正月。弟叔琪至蘇。

時公弟叔琪在寧國府。以辦銅來蘇。於寓園共處。風雨聯牀。藉慰岑寂。時十八姪燾。二十姪鶴齡。羅甥英啟。將應童子試。命登穀偕之北上。

秋七月甲寅。次孫景緯生。登賢出。

八月。旋里。

公僑寓吳門者八年。於五月十五日。奉恩旨。將未完帑項。全行寬免。公惶感無地。治裝北歸。抵里。侍太夫人。與昆季羣從偕處。

公戒之曰。吾父爲諸生時。已及選。爲有力者擢去。及余在鬻序。頗有聲。學使深相器重。而亦未得與。孺子得之。不可謂非倖也。宜厚自力學。無負此選。

八月二十三日。驚聞世宗憲皇帝升遐。公偕諸弟。匍匐往順天府署哭臨。

公念身被知遇。寵任逾涯。自干罪譴。復蒙聖主賜以生全。俾得歸侍庭闈。優游化日。仰望鼎湖。雪涕如雨。

九月。登穀中順天鄉試。

乾隆元年丙辰。公六十五歲。

春二月。起爲山東按察司使。

時蒙特旨召見。補授東臬。弟叔璫亦補河南開歸道。公欲請終養。太夫人作色曰。爾兄弟並邀恩遇。拔擢於廢棄之中。何可私戀庭闈。以爲息肩之地。公不敢違。遂於三月十三日。拜辭出都。

三月。登賢。登穀。同中禮部會試。

時三姪詠亦中式。有河東三鳳之目。

命登穀隨之任所。

公以兄弟三人。同科獲雋。深懼盈滿。故祇留登賢在京殿試。並奉太夫人起居。

抵山東按察司使任。

黃崑圃先生年譜卷下

雍正十一年癸丑。公六十二歲。

秋八月。次女適同里溫氏。

壻名保經。山西按察司使諱爾遜第五子。

冬十有二月丙寅。三孫嘉績生。

登賢出。是年弟叔琪有改補部屬之命。

雍正十二年甲寅。公六十三歲。

夏四月。移居孫公園。

時有人條奏入官房產難變。皆由本家踞住。遂僦王氏屋。奉太夫人以居。

弟叔琪解銅來京。

時兄弟五人環奉萱闈。色笑。公顧謂諸弟曰。骨肉久離。宦途如海。今得懽聚一堂。皆吾母之庇也。雖

貧無握粟。而樂事有餘矣。

雍正十三年乙卯。公六十四歲。

秋七月。登穀中拔萃科。

坐大成等罪。

乾隆二年丁巳。公六十六歲。

春正月。與巡撫法公論核屬員賢否。

長清令劉輝祖。才守擅一時。而爲人彊項。不能事嬖媵。以故多嫉之。有於撫軍前下石者。時法公甫下車。集藩臬覈守令優劣。曰。如長清令某者。我久聞其人。宜亟去之。公作而前曰。公膺封疆重寄。政令方新。好惡不可不審。劉令以實心辦事。無黨援依附之習。某方心許。乃欲黜之。恐此言一出。聞風者競以諧媚至矣。撫軍改容謝。舉座肅然。劉卒登薦牘。

夏四月。登穀以知縣卽用。

時補行殿試。引見以知縣卽用。公念其年少。未可驟膺民社。令到部後。仍至任所學習吏事。是年二十。姪鶴齡會試中式。

錢塘孝廉金雨叔來。

孝廉名姓。時館於東昌潘司馬署。來謁公。公知其學問素優。出所輯文心雕龍註。屬爲校定。薦萊州府知府嚴有禧。

時有旨令舉良二千石故也。不踰年。擢登萊青道。

秋九月。晉布政司使。

時爲三月二十日。山左當積弛之後。前總制作意整頓。民志已肅。而吏治猶以刻轢爲事。公務崇敦。大期與斯民休息。

夏六月。登賢在戶部額外主事上學習。

奏復承審期限之舊例。

部議准行。

奏陳佐雜相驗之弊。

部議准行。

秋八月。蒙賜憲皇帝硃批諭旨。

冬十有一月。開釋冤民程進度等。

泰安縣民郭滄海之母宮氏。被人毆斃。報縣驗訊。差役將同場居住之程進度。及進度素相姦好之白氏。拘獲到官。刑求誣服。坐以同謀共毆律。公親鞫得其冤狀。遂詳院請釋。另緝正兇。

冬十有二月。釋放冤民孫二。

諸城縣民徐瓌外出。途次被人擲石毆斃。攫其衣物而逸。縣役許大成誣押徐瓌同莊居住之孫二。令其鄰近幼小從旁力證。縣府遂以圖財害命定擬。孫二到案。初亦誣服。公察情色有異。乃逐層推勘。至於丙夜。始得栽賊拷逼各情由。許大成等亦供認不諱。孫二乃號咷伏案前。公釋遣歸農。而重

登賢出。

八月。辦理科場事宜。

凡廡宇號舍。以及內外供給。諸生飲膳。公一一親爲督理。整備完善。士子中有蒼顏白髮者。多公督學時所識拔。士望公丰采。無不額首權慶。

九月。刻文心雕龍輯註。

時陳祖范來署。因將校定雕龍本。復與論訂。而雲間姚平山廷謙適至。請付諸梓。冬十有二月。恩旨給還房產。

公具朝服。望闕叩頭。隨繕摺恭謝。

乾隆四年己未。公六十八歲。

二月。命登賢修理舊第。奉安先祠。

夏四月。命登賢奉太夫人歸舊第。

諏吉於月之二十七日。適高陽韓氏姊歸寧。時年七十矣。白髮母女。相依數月。爲德壽堂中盛事。

六月。護理撫篆。

有朵頤藩席者。進萋菲於撫軍。撫軍爲所動。公誠以接之。無幾。徵見顏色。未幾。其人以貪殘敗。撫軍亦牽連被謫。公循例攝篆焉。

公念太夫人春秋高，懇撫軍轉請歸養，未允。適聞新命，撫軍曰：「聖恩高厚，尤難以烏鳥私情爲君轉達，乃不得已任事。」時當計吏之期，公一秉虛公，舉劾悉符輿論，幕僚左右無從揣測也。

乾隆三年戊午，公六十七歲。

春正月，奏籌借給倉穀事宜。

先是齊河等二十八州縣，衛被水成災，已奉恩綸蠲賦折漕，賑饑平糶。公念三四兩月，二麥未收，雖開倉平糶，而貧民未免拮据，因擬廣貸粟之法四條具奏，奉旨褒嘉，隨與撫軍參酌施行。

二月，命登穀馳往張湫，辦理弟喪。

弟叔琪以銅累未楚，將赴吳閫，行至張湫，疾作，遂不起。公聞悲慟慘裂，命登穀即日馳往，經理喪務。夏四月，直隸來借新麥。

時東省二麥茂美可觀，而直隸正值歉收，糧價騰貴。制府李公札來，欲借新麥，撫軍將諾之。公不可，曰：「青苗尚在地，豐歉未可知，詎宜輕以許人。許之而果有收，尚可以兩全，儻不可必，彼時與之，則我受其敝，不與，則我爽其信，是兩失也。」乃以臨德二倉穀借給之。

六月庚戌，六孫秉經生。

登穀出。

秋七月壬子，七孫符綵生。

滕縣某素工繪事。爲畫筆十握以呈。公嘆曰。蝗蝻雨水。疊爲民患。爲民父母。蒿目勞心之不遑。而營情末技。萬戶蒸黎。不幾爲數筆丹青抹煞耶。麾之出。

九月。奏覆奉天米石運東發賣事宜。

臺中條奏奉天米石運至東省。被水州縣發賣。奉旨交將軍府尹會同護撫議奏。公以運米無益地方。徒滋紛擾。先行具摺奏覆。其略曰。東省十府之內。惟登萊青武濱臨海口。今登萊全稔。特青屬三縣被災。武屬被災較多。而統計成災地畝。亦止十之一二。其餘被災衝湮之處。距海遼遠。陸運維艱。若由天津進口。再從運河來東。水道紆迴。實多未便。且本省倉儲有備。可資民食。如奉天米果充盈。應請聽從商便。免其輸稅。販東發賣。無勞官運。又東省有收之處。現在直隸米商紛紛來運。若將奉天米石運直濟用。則來東販運者自少。可留本省米石以資接濟。於兩省民食均有裨益。後會奏。並如公議。

上瀝陳將母微忱疏。

略曰。臣母在京。今年九十二歲。臣今年六十有八。履任以來。時虞風燭。犬馬之齒已衰。烏鳥之私轉迫。今農事告登。地方安堵。勘災查賑。諸事就緒。新撫臣碩色已於本月視事。仰祈皇上俯鑒微忱。准臣回籍。以奉母天年。奉硃批。新撫臣甫經到任。汝再勉強數月。以佐理之。

冬十有二月己丑。八孫修純生。

奏報撲滅飛蝗循例動支公帑。

時濟東五十三州縣衛飛蝗蔽天。公分遣員弁協力撲捕。動支存公銀兩。檄發各郡。飭令收買蝗蛹。不一月。遺孽淨盡。

奏報黃水漫溢請佃戶一體賑卹。

時曹縣黃水泛溢。經由荷澤等六州縣衛田禾被淹。公動存公銀兩。移交兗沂曹道。親往確查。分別撫恤。仍令該地方官。動支倉穀賑濟。東省賑例。佃戶由業主照管。官不發賑。公核被災戶口。多有田主自顧不暇者。勢難贍及佃人。奏請一體加賑。奉旨允行。

秋七月。奏籌賑恤事宜。

六月二十六日以後。陰雨連綿。河渠並漲。濟東等郡七十三州縣低窪處所。秋禾被淹。公飛飭道府。分道撫恤。隨繕摺入告。被水地方。請酌量重輕。分別賑濟。勘不成災之戶。請酌借穀石。以資接濟。無力貧農。請酌借籽種。以資耕作。其還倉穀石。請通融撥買。來春民食。請預籌實惠。凡列五條具奏。悉蒙俞旨允行。

八月。奏漕糧分別緩徵事宜。

請將本年應徵漕糧。及改徵帶徵等項。酌被災輕重。分別蠲緩。得旨允行。卻滕縣令畫策。

冬十有二月。行小祥禮。

乾隆六年辛酉。公七十歲。

春正月。編輯硯北易鈔。

時課長孫端紱讀易。

冬十月。葬羅氏三柩。

妹夫羅昱令淳安。調平湖。未任。卒於杭。其媳歿於淳安。子舉人英啟。亦卒於濟寧。公經紀其事。屬蕭

山門人來景風。父子護送北來。三棺得遂邱首。

十有二月。行大祥禮。

乾隆七年壬戌。公七十一歲。

夏四月。服除。行禘主禮。

初五日。卽吉。奉太夫人主。祔於贈大夫教諭公龕右。

六月。授詹事府詹事。

六年十一月。因濟南守梁彬。派令鹽商代買倉穀。追論不行。查參之上司。部議補官日。降三級調用。

本年五月。服闋引見。踰月。特授宮卿。時登賢實授戶部江南司主事。

冬十有二月。罷官。

登賢出。

辛丑。母吳太夫人卒。

年九十有二。初太夫人偶患欬嗽。公憂念廢寢食。遣家人問視起居。相望於道。至是以久欬耗精。遂致不起。時在除夕。明年正月三日。公聞訃。擗踊哀號。水漿不入。僵仆欲絕者數四。

乾隆五年庚申。公六十九歲。

春正月。交送藩篆。

擬卽日奔喪。而新撫以東省積年耗羨。係公經手清釐。尙未核題歸結。奏留在東。凡五閱月。始得匍匐就道。跌奔號慟。左目爲之失明。

夏六月。抵喪次。編輯太夫人事實。

朝夕哭奠之餘。偕諸弟卽苦次編輯。方望溪爲之校定。

秋七月。葬太夫人於韓山之原。

時爲月之二十四日。與教諭公合兆。公又念弟叔琪夫婦孝友。得堂上懽。今雙柩在殯。因於次月。命姪元疇奉柩韓山墓左。

九月。登穀授江西都昌縣知縣。

爲鬻產以資其行。教以斂才忍性。毋隕家聲。

乾隆十一年丙寅。公七十五歲。

春三月。序姜西溟文集。

西溟名宸英。爲同館後進。公雅重其古文詞。嘗裒其全集。抄錄善本。爲序而藏之。

秋八月。登穀調鄱陽縣知縣。

公手書諭之曰。汝性傲。不能謹小慎微。今復膺大邑。奉盈執玉。當知戒懼。

冬十有二月。登賢擢掌廣西道監察御史。

乾隆十二年丁卯。公七十六歲。

春二月。刻史通訓故補。

史通二十卷。郭延年注本。援引頗踳駁。河南王損仲得宋時舊本。更爲註釋。名曰訓故。實勝郭書。然傷於太簡。未免遺脫。公爲依據經傳。旁搜逸史。廣所未備。又檢正本書。及王注之失。或添註篇尾。或指駁上方。有功後學。不淺。

序湯西崖少宰詩集。

潘思榘時官浙藩。歲時必有所將。公卻所贈。屬刻西涯詩集。因製序寄之。

夏五月。孫端絨、景緯同入順天府學。

乾隆十三年戊辰。公七十七歲。

緣山左會揭事牽連去職。

乾隆八年癸亥公七十二歲。

春二月登穀調任新建縣知縣。

時聞江右歲歉公手書諭以盡心拯救毋蹈膜視之譽是年四月弟叔璈補授常鎮道。

秋九月集友人賞菊於澂懷書屋。

廳事西偏澂懷書屋前後蒔菊數十種幽芬可愛日邀諸同好讌集話舊并出家藏李西涯王守溪吳匏菴諸前輩冬日賞菊圖卷展玩一時沈歸愚德潛陳魯齋士璠及門人陳豫朋張鵬翀胡寶瓌輩皆有倡酬。

乾隆九年甲子公七十三歲。

冬十月登賢晉本司員外郎。

乾隆十年乙丑公七十四歲。

秋七月刻夏小正。

夏小正一卷戴氏傳金仁山注濟陽張稷若輯合傳注附以己說頗稱善本公閒居繙閱有未愜於中者輒爲博引廣稽以求其是時門下生常熟顧鎮適以試事來京公命校訂焉。

九月登賢晉本部陝西司郎中。

冬十月。新科舉人謁敍前後同年。

公以康熙庚午舉鄉試。至是重遇庚午。新孝廉踵門修謁。敍前後同年。公用華亭王文恭公韻。賦詩五章。和者甚衆。海內傳爲盛事。

乾隆十六年辛未。公八十歲。

春正月。辭京兆鄉飲賓之請。

少司馬蔣公炳。大京兆顧公汝修。少京兆馬公璟。敦請公爲鄉飲正賓。公爲書以辭。其略曰。鄉飲儀注。必以致仕在籍者。充爲大賓。某以誑誤閒居。旣無盤帶之榮。兼以年耄目昏。步履蹒跚。賓筵鉅典。禮文繁重。爲觀瞻所係。旡廢之人。深懼隕越。伏望俯鑒愚忱。俾得安處蓬廬。優游化日。幸甚幸甚。書旣達。邑侯陳公世倅。三及門。公堅辭不赴。

夏四月。新科進士謁敍前後同年。

公賦七律二首述懷。

冬十有一月。復還詹事原職。加侍郎銜。

恭遇皇太后六旬萬壽。敷天同慶。公偕諸縉紳。共建經壇。祝釐仲悃。尋奉恩諭。原任詹事府詹事黃叔琳。以康熙辛未探花。年躋大耋。重遇臚傳歲紀。洵稱熙朝人瑞。著從優加給侍郎銜。欽此。時弟叔琬亦復布政司使銜。叔璫加一級。

閏七月癸酉長曾孫堯閏生

端紱出。

乾隆十四年己巳公七十八歲。

夏四月重刻漁洋詩話。

庚寅歲於山左已有漁洋詩話之刻其板存之坊間爲人掠去公復檢舊本付梓。

刻五代詩話。

亦漁洋先生定本時公家居寂寞節縮薪水以終其事其惓惓師門蓋晚晚不忘也。

秋七月登穀生母王恭人赴鄱陽。

時登穀有告養之舉既非公志而當事亦以格於成例不允因命恭人往視以慰其心。

冬十有二月爲族弟鳴珂置後。

同曾祖弟鳴珂寓居曲阜年老喪子公會族人擇其近屬白沙巡檢叔珩之次孫履正爲之孫製衣

裝遣之。

乾隆十五年庚午公七十九歲。

春二月冢婦孔氏歿。

殯韓山丙舍。

秋七月登穀晉山西平陽府知府。

冬十有一月硯北易鈔成。

命登賢日誦卷餘隨加刪定。

乾隆十九年甲戌公八十三歲。

春三月登賢轉刑科掌印給事中。

夏六月詩統說成。

公謂葩經自朱子斥去小序爲後賢集矢妄者或創造新說此端木子所謂不知量者也讀此經者但當蒼萃衆說折而取衷爾因錄漢唐宋元明及諸名家之說分別異同加以論斷名曰統說以著己之不自爲說也屬門下生顧鎮列爲三十卷。

秋七月甲辰次曾孫仲馥生。

景緯出。

乾隆二十年乙亥公八十四歲。

春正月作史通訓故補後序。

博野尹亨山嘉銓以本書疑古惑經二篇爲非聖無法當行刪去公謂注家無刪截本書之例此二篇已於簡端痛斥其謬無容更定然亨山衛道之意甚嚴且正因作後序以補之。

十有二月。硯北雜錄成。

公博聞彊記。於書無所不窺。至年耄日昏。猶依藉日光。手不釋卷。每風雨晦暝之辰。則令諸孫雜誦於側。其有關於經濟學術者。隨手摘錄。積久盈篋。適盧君文昭主家塾。屬令分類編輯。至是書成。又公座主漁洋先生。選訂感舊集十六卷。公屢欲付梓。而艱於資。會門人盧見曾來謁。授以梓行。

乾隆十七年壬申。公八十一歲。

春正月。赴順天府行鄉飲酒禮。

屢辭不得。勉赴行禮。子登賢及姪元禕。譽奉几杖從焉。

冬十月。登穀晉山東德州牧。

登穀以保升寧州牧。來京引見。奉旨調德州。公命之曰。德州爲東省門戶。其衝要十倍寧州。聖恩簡授。小臣其何以稱。宜厚自鞭策。以副任使。

乾隆十八年癸酉。公八十二歲。

春二月。製時藝一篇。以示諸孫。

題爲雞鳴而起一節。因諸孫作此題都不稱。爲走筆示之。

夏五月。登賢轉吏科給事中。

六月。次孫景緯中拔萃科。

公素篤友于。自弟叔琬棄世。悲傷過情。遂致痰疾。日投藥餌。支持半載。至是大劇。月之二日。子孫環侍。公慨然曰。吾通籍六十餘年。蒙三朝厚恩。官至二品。毫無建樹。以仰答聖明。中罹罪戾。又蒙聖主錄用。並復原官。感激高深。涓埃未報。言已泣下。遂伏枕。口授遺疏。命登賢赴闕奏謝。初五日。又諭孫端絨等曰。汝父事我孝。但爲人口直。書云。必有忍。乃其有濟。有容德乃大。當慎守此二語。至初七日。戍刻。端坐而逝。

二月登賢奉命巡視通州漕務。

請訓之日。蒙問爾父年幾何。飲食幾何。兩耳能聽否。身體尙健否。登賢具以實對。歸告諸公。公叩頭流涕。因謂登賢曰。衰朽之餘。猶塵聖懷。汝當殫竭心力。以圖報稱。

夏五月。七孫符綵入順天府學。

秋八月。上恭謝天恩疏。

先是六月。公弟叔琬卒於家。公悲感傷悼。精神頓減。登賢憂惶無措。乃具呈乞養。都察院堂官代爲陳奏。奉旨。黃登賢籍隸大興。伊父雖年逾八旬。然現住京師。不必陳請終養。嗣後凡有遠差。著停其派往。欽此。公敬聆之下。感激天恩。隨具摺命登賢代賚恭謝。

命長孫端絨續編春秋四傳合纂。

命之曰。吾少愛三傳。甲戌留館後。嘗取胡氏傳編附其中。合爲一書。序次未竟。適有纂修方略之役。忽忽至今。吾耄矣。不能卒業。汝素留心講貫。成吾志焉。

十有二月。命姪詠等葬弟叔琬於韓山墓左。

公親爲作狀。口授登賢。四日而成。每敍次所及。輒嗚咽不止。

乾隆二十一年丙子。公八十五歲。

春正月乙亥。公卒。